



□ 12  
476  
32



十三經注疏

周禮六

12  
口仁  
476  
32

門 12  
疏卷

附釋音周禮注疏卷第十五

所錢文  
有拘那  
志園  
固自結定

鄭氏注 賈公彥疏

學

波  
18  
32

質人掌成市之貨賄人民牛馬兵器珍異也。會者平物賈而來主成其平也。人氏奴婢也。珍異四時食物。成平市之貨賄已下之事。在成平至食物。釋曰云會者平物賈而來主成其平也。者會謂古。人會聚買賣止為平物。而來質人主為平定之則有常估不得妄為貴賤也。此知人。民奴婢也。者以其在市平定其賈。故知非良人是奴婢也。云珍異四時食物者。見下廬人云凡珍異之有滯者。斂而入于膳府。即果實及諸食物。依四時成熟者也。凡賣

質者質劑焉。大市以質。小市以劑。鄭司農云。質大賈劑小賈。立謂質劑者為之券藏之也。大市人民馬牛之屬。用長券。小市兵器珍異之物。用短券。長如字。疏注鄭司至短券。釋曰先鄭以質劑為月平大小賈。若今市估文書先鄭注小宰聽賣買以質劑亦如此解。後鄭以為券。

周禮卷十五

書者上文成市之貨賄之等已是市平文書則此經云大市以質小市以劑及小宰云聽賣買以質劑文勢不得為月平故以券書可知也玄謂大市人民馬牛已下鄭以意分之為大小就大者而言若人民則未成亂已下牛馬未著齒已前亦得為掌稽市之書契同其度量壹其淳制巡

**而攷之犯禁者舉而罰之**稽猶考也治也書契取予市物之券也其券之

象書兩札刻其側杜子春云淳當為純純謂幅廣制謂匹長也皆當中度量玄謂淳讀如淳尸鹽之淳。其淳音准廣光曠反長直亮反中丁仲疏注稽猶至之淳。釋曰云稽猶反淳尸劉章純反下同考也治也者并取治質劑并解之故兼云治也書契取予市物之券者并案小宰職云聽取予以書契經既云書契故知與彼同非上質劑之市買者也云其券之象書兩札刻其側者小宰注云兩書一札同而別謂匹長也者即丈八尺後鄭從之後鄭不從杜子春純者純止可為絲為縑不得為幅廣狹故讀從士虞禮淳尸鹽之淳故內宰注依巡守禮淳四咫鄭荅志咫八寸四當為三三尺謂二尺四寸也  
**凡治質劑者國**

**中一甸郊二甸野三甸都三月邦國替期內**

**聽期外不聽**謂齋券契者來訟也以期內來則治之後期則不治所以絕民之好訟且息文書也

郊遠郊也野甸稍也都小都大都**疏**注謂齋至大都。釋。基如字本或作替同好呼報反。曰云謂齋券契者來訟也者云此經摠上質劑與書契來訴者知郊是遠郊者以其內有國中野野遠郊之外明知郊是遠郊也知野是甸稍者郊外曰野是大摠之言下有都都是四百五百里明此是二百里甸三百里稍可知又知都中含大都小都者此質人摠聽畿外明此都兼大小二都可知

**塵人掌斂市欵布總布質布罰布塵布而入**

**于泉府**布泉也鄭司農云欵布列肆之稅布杜子春云總當為僂謂無肆立持者之稅也玄謂總讀如租稅

之稔稔布謂守斗斛銓衡者之稅也質布者質人之所罰犯質劑者之泉也罰布者犯市令者之泉也塵布者貨賄諸物邸舍之稅。欵音次本或作次總劉**疏**注布泉至之稅。依杜音僂鄭音摠僂音讒稔音摠

者此布皆入泉府故知泉布一也是以外府云掌布注云取  
其水泉流通無不徧也先鄭云欲布列肆之稅布者謂在行  
肆坐賣物之常稅也杜子春云總當為儻謂無肆立持者之  
稅也者後鄭不從為守斗斛銓衡者之稅也者此經塵人掌  
依行肆者故不得為無肆立持故破從租稅之稅也者此經  
斗斛銓衡之稅下肆長云斂其總布是無肆立持故注從子  
春總當為儻也云質布者質人所罰犯質劑者之泉也者謂  
犯質劑違券書罰泉也云罰布者犯市令者之泉也者謂司  
市有教令其人犯之使出泉云塵布者貨賄諸物邸舍之稅  
者謂在行肆官有邸舍人有置物於中使之出稅故云塵布  
也

**凡屠者斂其皮角筋骨入于王府**  
以當稅給

其無皮角及筋骨  
**疏**凡屠至王府。釋曰云屠者謂屠殺

不中用亦稅之  
取皮角筋骨堪飾器物者使人王府也。注以當至稅之。

釋曰知以當稅者謂若山虞澤虞之等所出稅皆云以當邦

賦邦賦即地稅之類是也云無皮角及筋骨不中用亦稅之

謂若羊牛有皮角及筋骨其豕則無之類是不中用亦使出

物之稅以當

邦賦之處

**凡珍異之有滯者斂而入于膳府**

故書滯或作塵鄭司農云謂滯貨不售者官為居之貨物沈  
滯於塵中不決民待其直以給喪疾而不可售賈賤者也塵  
謂市中之地未有肆而可居以畜藏貨物者也孟子曰市塵  
而不征法而不塵則天下之商皆說而願藏於其市矣謂貨  
物諸藏於市中而不租稅也故曰塵而不征其有貨物久滯  
於塵而不售者官以法為居取之故曰法而不塵久則將廢腐  
如沉滯之滯珍異四時食物也不售而在塵久則將廢腐  
敗為買之入膳夫之府所以紓民事而官不失實。官為于  
偽反下同畜勅六反說音悅儲知呂反本或作貯又作褚皆  
同藏如字劉本作葬音同瘦本又作艘所又反臚其俱反又  
作臚音稍紓音**疏**凡珍至膳府。釋曰云凡珍異之有滯  
者謂四時珍美異味買者遂少沈滯不  
舒劉常汝反。膳者謂四時珍美異味買者遂少沈滯不  
售者之府以斂而入于膳府者謂官以泉府之財買取之入於  
膳夫之府以供官食。注故書至失實。釋曰先鄭云謂滯  
貨不售者官為居之經直為珍異非貨物先鄭以貨物解之  
故後鄭不從也先鄭又云塵謂市中之地未有肆而可居以  
畜藏貨物者但塵雖非肆是官之邸舍不得為空地故後鄭  
不從引孟子市塵而不征者周則塵有征上文塵布是也云  
不征者非周法又云法而不塵則與此經同故先鄭引之後  
鄭增成其義也云久則將瘦臚腐敗者考工記梓人云大罍

隳後隳是細小之義故云  
瘦隳腐敗是以爲買之

胥師各掌其次之政令而平其貨賄憲刑禁小焉

憲長縣之 **疏** 胥師至禁焉。釋曰案序官云胥師二十肆

○縣音玄 則一人故云各掌其次之政令云憲刑禁焉

者刑謂市中之刑憲徇扑禁謂市中之禁謂司當時設禁令

非士師五禁也鄭云憲謂表縣之則經憲非爲憲徇扑之憲

察其詐僞飾行以債匿者而誅罰之 鄭司農云債

謂行且賣姦僞惡物者玄謂飾行債匿謂使人行賣惡物於

市巧飾之令欺誑買者○行下孟反匿他得反巧苦教反又

如字令力呈 **疏** 注鄭司至買者。釋曰鄭云債賣也者此

反下文同 經云飾行債匿明債爲賣不得爲買上文

每云賣債債不得爲賣故爲買是鄭望文爲義故不定也先

鄭云謂行且賣姦僞惡物以且間之則行是行步之行不爲

行濫之行故後鄭不 聽其小治小訟而斷之 ○治直

從以爲行濫解之 之治同斷 **疏** 聽其至斷之。釋曰上司市已云胥師賈師

丁亂反 泄於介次而聽小治小訟上摠言之此止當

職故申  
敘之也

賈師各掌其次之貨賄之治辨其物而均平

之展其成而奠其賈然後令市 辨別也○賈音古

定別彼 **疏** 賈師至令市。釋曰案序官云賈師二十肆則

列反 一人與胥師數同故云各掌其次之貨賄之治

也云辨其物而均平之者此與胥師所掌同云展

其成而奠其賈者則與胥師異以其知物價故也 **凡天患**

**禁貴債者使有恒賈** 恒常也謂若儲米穀棺木而賈

阨民使之重困 **疏** 注恒常至重困。釋曰鄭云謂若儲米

○重直用反 穀棺木者以其天患無過凶荒札喪故

鄭知富人豫儲米穀以擬凶荒豫儲 四時之珍異亦如

棺木以擬死而賈久雨疫病賣之也 之 薦宗廟

釋曰案月令四時有珍異之物皆云先 凡國之賣債各

薦寢廟故鄭以爲薦宗廟舉重而言也

帥其屬而嗣堂其月

債買也故書賣為買鄭司農云謂官有所斥令賣賈師帥其屬

而更相代直月為官賣之均勞逸。更音庚為官于僞反。謂指斥出之故鄭注大宰亦云幣餘謂占賣國之斥幣義與此同也云賈師帥其屬而更相代者賈師之下有羣賈亦二肆則一人者使之更互相代也。凡師役會同亦如之。疏釋曰此亦從行所在當直為官賣買也。

司越掌憲市之禁令禁其鬪蹶者與其越亂

者出入相陵犯者以屬遊飲食于市者

鄭司農

云以屬遊飲食羣飲食者。蹶五羔反又許驕反謹音歡。屬遊飲食謂聚而羣遊飲食者禁之若不羣遊則得飲。若不可禁則搏而戮之。搏音博下同。

司稽掌巡市而察其犯禁者與其不物者而

搏之

不物衣服視占不與眾同及所操物不如品式。操七曹反。

疏

注不物至品式釋曰案大司徒

民當同衣服今有人衣服不與眾人同又視占亦不與眾人同及所操物不如品式此皆違禁之物故搏之也。掌

執市之盜賊以徇且刑之

徇辭

疏

掌執至刑之釋曰上司市

市中之刑無過憲徇扑附於刑者歸於士此掌執市之盜賊以徇且刑之亦無過小盜徇扑而已故云以徇且刑之若直徇者不必有刑其刑者必徇故徇刑兩言之也。

胥各掌其所治之政執鞭度而巡其前掌其

坐作出入之禁令襲其不正者

作起也坐起禁令當市而不得空守

之屬故書襲為習杜子春云當為襲謂掩捕其不正者。疏胥各至正者。釋曰案序各掌其所治之政則一人掌二肆者也云執鞭度而巡其前者此鞭度亦如上文守門者謂以受為鞭而量物也。注作起至正者。釋曰杜子春從襲不從古書習者習是習學之習襲是掩襲之義故從襲是以左氏公羊皆有不聲鍾鼓為

襲是掩其凡有罪者撻戮而罰之罰之使出布**疏**注罰

出布釋曰此罰布即上廛人職云罰布一也故彼注云罰布者犯市令之布也

肆長各掌其肆之政令陳其貨賄名相近者

相遠也實相近者相爾也而平正之爾亦近也俱是物也

使惡者遠善者自相近鄭司農云謂若珠玉之屬俱名為珠俱名為玉而賈或百萬或數萬恐農夫愚民見欺故別異令相遠使賈人不得雜亂以欺人○近附近之近**疏**肆長至遠于萬反注同數色主反令力呈反賈音古

釋曰此肆長謂一肆立一長使之檢按一肆之事若今行頭者也○注爾亦至欺人○釋曰云俱是物也者即司農云俱名為珠俱名為玉之類是也云使惡者遠善者釋經名相近者相遠也云善自相近者釋經實相近者相爾也先鄭云謂若珠玉之屬已下直釋經名相近者相遠不釋實相近者其義可知故也先鄭雖舉珠玉貴者而餘物亦爾**斂**斂其總布掌其戒禁杜子春云總當為儷**疏**注杜子至為儷○釋曰此肆長各主

一肆故罰其無肆立持之布故後鄭引而從之也

泉府掌以市之征布斂市之不售貨之滯於

民用者以其賈買之物褐而書之以待不時

而買者買者各從其抵都鄙從其主國人郊

人從其有司然後予之故書滯為痺杜子春云痺當為滯鄭司農云物褐而書之

物物為揃書書其賈褐著其物也不時買者謂急求者也抵故賈也主者別治大夫也然後予之為封符信然後予之玄謂抵實抵字抵本也本謂所屬吏主有司是也○褐音竭抵音帝又都禮反痺音且又丁左反揃音賤又舍廉反著直略反治直**疏**泉府至予之○釋曰云掌以市之征布者即上吏反征布也云各從其抵者抵謂本主所屬之吏乃付之即都鄙從其主國人郊人是也云都鄙者可兼大小都及家邑云國人者謂住在國城之內即六鄉之民也云郊人者即遠郊之外六遂之民也○注故書至司是○釋曰先鄭云抵故賈也



後鄭不從者假令官前買時貴後或賤今依故賈與之即損  
民故不得依故賈以解抵也先鄭云主者別治大夫也者義  
或然以其公卿大夫常在王朝其都鄙則遺人治之若季氏  
賈宰公山弗擾之輩天子都鄙蓋亦然先鄭云為封符信然  
後予之者封符信謂有符信文書皆封題之計買者得主及  
有司然後賣不須封信文書但於理無害故後鄭不破之也  
後鄭破抵從者經是抵欺之抵故破從木傍祗得為一本  
義也云本謂所屬吏主有司是者鄭欲解祗與主有司為一  
云主有也 凡賒者祭祀無過旬日喪紀無過二月  
司是也 鄭司農云賒賈也以祭 疏 注鄭司至買物。釋曰先鄭之  
祀喪紀故從官賈買物 意以祭祀喪紀二者事大故賒  
與民不 凡民之貸者與其有司辨而授之以國  
取利 服為之息 有司其所屬吏也與之別其貸民之物定其賈  
息使民弗利以其所賈之國所出為息也假令其國出絲絮  
則以絲絮償其國出絲葛則以絲葛償之謂以國服為之息  
以其於國服事之稅為息也於國事受園廬之田而貸萬泉  
者則暮出息五百王莽時民貸以治產業者但計贏所得受

息無過歲什一。之貸音待注不出者同別彼列反貸民音  
吐代反本賈音嫁一音古所賈音古令力呈反償時亮反  
**疏** 凡民至之息。釋曰貸者即今之舉物生利與上文不  
同云與其有司辨而授之者謂別其所授之物以與之  
云以國服為之息者所出之利各以國服而為息也。注有  
司至什一。釋曰云有司其所屬吏也者此則上文有司一  
也若然此經不言都鄙主者有司中兼之故上注亦云本所  
屬吏是極本中兼二者云與之別其貸民之物者但泉府中  
所藏之物種類不同欲授民之時先當分別又當定其賈數  
以與之先鄭以所賈之國所出為息已下後鄭不從者凡言  
服者服事為名此經以民之服事唯出稅是也則載師云二  
十而一已下是也。是以鄭引載師受園廬之田而貸萬泉者  
則暮出息五百萬泉出息一千遠郊二十而取一若然近郊  
十一者萬泉暮出息一千遠郊二十而三者萬泉暮出息一  
千五百旬稍縣都之民萬泉暮出息二千鄭直云園廬者略  
舉以言之也云王莽時民貸以治產業者但計贏所得受息  
無過歲什一者此則與周少異周時不計其贏所得多少據  
本徵利王莽時雖計本多少為定及其徵科唯據所贏多少  
假令萬泉歲還贏萬泉徵一千贏 凡國之財用取具  
五千徵五百餘皆據利徵什一也

焉歲終則會其出入而納其餘

會計也納人也入餘於職幣。會古

外反後疏凡國至其餘。釋曰云凡國事之財用取具焉放此。疏者言事謂有司為國家之事與作用財物者皆來向泉府取財為具焉泉府財盡乃於餘府別取焉云歲終則會其出入出謂出府會計用財入謂於塵人斂取紬布已下云納其餘者若國家來取財不盡而有餘則納與天官職幣職幣別出與人故云納其餘也

司門掌授管鍵以啓閉國門

鄭司農云鍵讀為蹇管謂籥也鍵謂牡也

鍵其展反又其偃反司農疏司門至國門。釋曰云掌授管蹇居兔反籥羊略反。疏管鍵以啓閉國門者謂用管籥以啓門用鍵牡以閉門故雙言以啓閉國門則王城十二門者也。注鄭司至謂牡。釋曰先鄭讀鍵為蹇者欲取其蹇澁之意云管謂籥也者即月令注管籥搏鍵器是也云鍵謂牡者以入為牡容者為牝者若爾雅走曰牝牡也。幾

出入不物者正其貨賄凡財物犯禁者舉之

不物衣服視占者不與眾同及所操物不如品式者正讀為疏征征稅也犯禁謂商所不資者舉之沒入官。正其音征

注不物至入官。釋曰鄭知不物是衣服之等者見王制云關執禁以幾禁異服識異言閽人云潛服賊器不入官奇服怪民不入宮明此司門亦然故鄭以不物衣服之等解之但鄭釋不物之中有三事一者衣服二者占視皆不與眾同三者手所操持不如尋常品式以其特異於人此三者皆須詢問所以也云正讀為征征稅也者下文云國凶札無關門之征明無凶札之時有征稅故讀從征稅之字也云犯禁者謂商所不資者商所資者謂若國語云冬資絺夏資絲之類是商所豫資待時而賣者乃不為犯其商所以其財養死

政之老與其孤

財所謂門關之委積也死政之疏注所至其子。釋曰云財所謂門關之委積也者即上遺人云門關之委積以養老孤云死政之老死國事者之父母也孤其子者即外養云邦養

祭祀之牛牲繫焉監門養

之監門門徒。穀音計本。疏注監門門徒。釋曰牧人又作繫監古銜反注同。疏六牲至祭前三月若其散

人繫而養之若天地宗廟則繫於牢芻之三月若其散凡祭祀之牲則不在牢遣此監門門徒養之不必三月也

歲時之門受其餘

鄭司農云受祭門之餘

疏凡歲至其餘。釋曰凡歲時之

門者歲之四時祭門非一故云凡以摠之若月令秋祭門者是祭廟門此門亦謂國門十二者除四時祭外仍有為水祈禱故左氏莊公二十五年秋大水有用牲于門之事凡四方之賓客造焉則以

告

造猶至也告告於王而止客以俟逆造七到反注同

疏

凡四至以告。釋曰謂四方諸侯來朝觀

至關關人告王至郊郊人告王至國門門人告王王得告皆遣人往迎故先鄭云止客以俟逆也

司關掌國貨之節以聯門市

貨節謂商本所發司市之璽節也自外來

者則案其節而書其貨之多少通之國門國門通之司市自內出者司市為之璽節通之國門國門通之關門參相聯以檢猾商。疏注貨節至猾商。釋曰案下文掌節云貨賄猾音滑。疏用璽節則璽節主通貨賄若然璽節亦可先從王司市而出鄭今解經璽節先從那國向內而言者以其司關在境而先云掌國貨之節後云以聯門市是從外向內之言故鄭亦順經先從那國司市解之也云案其節而書其貨之多少通之國門國門通之司市者將送商人而執節者

別有過所文書若下文節傳當載人年幾及物多少至關至門皆別寫一通入關家門家乃案勘而過其自內出者義亦然云參相連以檢猾商者司市與關及門三處相連恐姦猾商人或以多為少或隱而不出而避稅故相連以檢括之也其遠郊近郊雖不置官掌之亦應司貨賄之出入者有人幾問但無稅法故不言耳

掌其治禁與其征塵

征塵者貨賄之稅與所止邸舍也關下亦有邸客舍其出布如

市之塵。疏

司貨至征塵。釋曰司主也主貨賄出入謂治直吏反。疏上經以關門市者是也云與其征塵者征謂

稅塵謂邸舍二事雙言也。注征塵至之塵。釋曰云關下亦有邸客舍其出布如市之塵者案上文塵人有塵布鄭云塵邸舍此關亦有邸舍商人於關停止則有稅故云如市之塵也凡貨不出於關者

舉其貨罰其人

不出於關謂從私道出碎稅者則沒其財而撻其人。碎音避一音芳益反

疏

注不出至其人。釋曰注云沒其財者解經舉其貨撻其人者解經罰其人案上憲罰之等皆是撻但舉其貨

已是罰物故知罰其人是撻之可知也

凡所達貨賄者則以節傳出

之商或取貨於民間無璽節者至關關為之璽節及傳出  
反注下疏凡所至出之。釋曰此文重釋上國貨之節上  
皆同文書。釋曰鄭云商或取貨於民間無璽節者至關關  
或至文書。釋曰鄭云商或取貨於民間無璽節者至關關  
為之璽節者若本由王市而出則司市為之璽節商或於民  
間者或在郊內關內民間買得物貨不得向司市取璽節故  
因向關外則便於關取節而出若在城內民間資貨者司關  
節者即授傳與之。國凶札則無關門之征猶幾  
鄭司農云凶謂凶年饑荒也札謂疾疫死亡也越人謂死為  
札春秋傳曰札瘥天昏無關門之征者出入關門無租稅猶  
幾謂無租稅猶苛察不得令姦人出入孟子曰關幾而不征  
則天下之行旅皆說而願出於其塗。札側入反又音截瘥  
才何反病也苛呼多反又疏國凶至猶幾。釋曰此司關  
音何令力呈反說音悅。所掌兼言門者門關同類無  
征是同司門既不言故於關并言門也。注鄭司至其塗。○  
釋曰上注札為疫病此司農以札為死則札因病而死義得  
兩兼是以引越人謂死為札也云春秋傳者昭十九年左氏  
云鄭駟偃卒其父兄立子瑕子產曰寡君之二三臣札瘥天

昏注云大死曰札小疫曰瘥短折曰夭未名曰昏又洪範云  
六極一曰凶短折注云未亂曰凶未冠曰短未昏曰折並無  
正文望經為說耳引春秋者證札為大疫也引孟子者案孟  
子云尊賢使能俊傑在位則天下之士皆說而願立於朝矣  
市廛而不征法而不廛則天下之商皆說而願藏於市矣關  
幾而不征則天下之行旅皆說而願出於其塗矣耕者助而  
不稅則天下之民皆說而願耕於其野矣廛無夫里之布則  
天下之民皆說而願為之民矣信能行此五者則鄰國之民  
仰之如父母矣率其子弟以攻其父母自有生民已來未有  
能濟者也如是則無敵於天下無敵於天下然而不王者未  
之有也此陳正法與周異引之者彼正法不征商旅則凡  
有說此經有故不征亦所以說民故取一邊為證也  
**四方之賓客敬闕則為之告**  
謂朝聘者也敬闕猶  
以國語曰周之秩官有之曰敵國賓至關尹以告行疏凡  
理以節逆之。敬音叩苦狗反為于偽反朝直遙反疏四  
至之告。釋曰敬猶至也畿外諸侯來朝使卿大夫來大聘  
小聘但至關門皆先謁關人關人止客則奔告王王使小行  
人逆勞於畿也。注謂朝至逆之。釋曰案小行人云凡諸  
侯入王則逆勞於畿聘禮使者至謁關人此經亦摠云賓客

敬關則為之告是以鄭云謂朝聘者也云叩關猶謁關人者  
猶聘禮關人也先鄭說以國語曰周之秩官有之者案國語  
定王使單襄公聘於宋遂假道於陳以聘楚候不出疆司空  
不視塗單子歸告於王曰陳侯不有大咎國必亡矣又云周  
之秩官有之曰敵國賓至關關尹以告行理以節逆之韋昭  
注云理吏也行理小行人掌國賓客禮以待四方使逆賓客  
候人為導卿出郊勞司里授館引之者國語云關尹以告則  
此經司關為之告一也云行理以節逆之者證關尹告王王  
使小行人以節逆之也  
**有外內之送令則以節傳出內之**  
節迎之也  
有送令謂奉貢獻及文書以常事往來環人之職  
所送迎通賓客來至關則為之節與傳以通之  
**疏**有外  
之釋曰此雙言之云有外之送令者則以節傳內之謂從  
諸侯之國畿外而入者則關人以節及傳內之至王又云有  
內之送令則以節傳出之者謂有王命從王國而出則亦以  
節傳出之送至畿上也注有送至通之釋曰案秋官環  
人職云掌送逆邦國之通賓客以路節達諸四方注  
云路節旌節也四方圻上與此義同故引以言之

**掌節掌守邦節而辨其用以輔王命**  
邦節者珍圭牙璋殺

圭琬圭琰圭也王有命則別其節之用以授使者輔王命者  
執以行為信。別彼列反下相別同使所吏反下之使注使  
節使**疏**掌節至王命。釋曰此一經論王國之節對下文  
者同。釋曰邦國是諸侯故此王國文單言邦也。注邦節至  
為信。釋曰云邦節者珍圭之等皆約典瑞言之案典瑞云  
珍圭以徵守以恤凶荒牙璋以起軍旅以治兵守穀圭以利  
難以聘女琬圭以治德以結好琰圭以易行以除慝是其邦  
節也不數自外璧羨以起度之等以其彼是土國所用非使者  
之節故不言之云王有命則別其節之用以授使者  
此釋經而辨其用故典瑞注亦皆云王使之瑞節也**守邦**  
**國者用玉節守都鄙者用角節**  
謂諸侯於其國中公卿大夫王  
子弟於其采邑有命者亦自有節以輔之玉節之  
制如王為之以命數為小大角用犀角其制未聞**疏**注謂  
未聞。釋曰云謂諸侯於其國中者釋經守邦國者用玉節  
云公卿大夫王子弟於其采邑者釋經守都鄙者用角節畿  
內公卿大夫亦是畿內之國但對幾外諸侯為尊故公卿已  
下言都鄙也云有命者亦自有節以輔之者亦如上文王有  
命有節以輔之者玉節之制如王為之以命數為小大者以  
邦國與王同稱玉節故知邦國亦有數等之節亦皆以玉為

之以其諸侯國內亦有徵守好難起軍旅之等故知與王同  
知以命數為小大者以其命圭之等依命數故知亦以九以  
七以五為節也其天子玉節自以大小為數故琬圭瑳圭俱  
同九寸穀圭牙璋俱七寸唯珍圭無文鄭云大小當與琬  
瑳相依云角用犀角者案釋獸云犀似豕注云角在鼻上犀  
角是角中之貴故知不得用玉者當用犀角云其制未聞者  
以其邦國之玉節可以約王之玉節都鄙用角節無可依約  
既無舊制故云其制未聞此云都鄙用角節注謂公卿大夫  
王子弟於其采邑是都鄙之圭案小行人節注謂公卿大夫  
公之子弟及卿大夫之采邑之圭也故用管節與此不同彼  
諸侯采地亦同用管節亦異外內也若天子凡邦國之  
公卿大夫采邑之吏下注約入道路用旌節

**使節山國用虎節土國用人節澤國用龍節**

**皆金也以英蕩輔之**  
使節使卿大夫聘於天子諸侯  
行道所執之信也土平地也山

多虎平地多人澤多龍以金為節鑄象焉必自以其國所多  
者於以相別為信明也今漢有銅虎符杜子春云蕩當為帑  
謂以函器盛此節或曰英蕩畫函。疏注使節至畫函。蕩如字又吐黨反帑吐黨反盛音成

大夫聘於天子諸侯行道所執之信也者大聘使卿小聘使  
大夫或於天子或於諸侯故並言之也云土平地也者對山  
澤非平地也云山多虎者若晉國之類也云平地多人者若  
衛國之類也云澤多龍者若鄭國之類也云以金為節鑄象  
焉者釋經皆金也云必自以其國所多者於以相別為信明  
也者山澤與平地人虎龍皆雜有今言山國用虎澤國用龍  
土國用人皆據多者相別為信以自明也引漢有銅虎符者  
證周時節用銅之意也杜子春云蕩當為帑者音以湯蕩反  
之今人猶言帑也帑則函故云謂以函器盛此節也云或曰  
英蕩畫函者其函猶是蕩但英華有畫義故更云畫函也  
經云輔之者以函輔此法使不壞損也案昭二十九年公在  
鄆賜公衍羔裘使獻龍輔於齊侯注龍輔玉名所以輔龍節  
與此門關用符節貨賄用璽節道路用旌節  
別也

**皆有期以反節**

門關司門司關也貨賄者主通貨賄之  
官謂司市也道路者主治五涂之官謂  
鄉遂大夫也凡民遠出至於邦國邦國之民若來入由門者  
司門為之節由關者司關為之節其商則司市為之節其以  
徵令及家徒則鄉遂大夫為之節唯時事而行不出關不用  
節也變司市言貨賄者璽節主以通貨賄貨賄非必由市或

資於民家焉變鄉遂言道路者容公邑及小都大都之吏皆  
主治五塗亦有民也符節者如今宮中諸官詔符也璽節者  
今之印章也旌節今使者所擁節是也將送者執此節以送  
行者皆以道里日時課如今郵行有程矣以防容姦擅有所  
通也凡節有法式藏於掌節疏注門關至掌節。釋曰鄭  
。郵音尤字從垂作御誤。知門關是司門司關者以  
其人之出入必由門由關而授節者非門關之官不可輒授  
故知主守門及關者故以司門司關解之也云貨賄者主通  
貨賄之官謂司市也者以其貨賄所得皆由於市乃得通之  
於外亦非官不可輒授故知貨賄用璽節必是王之司市也  
云道路者主治五溝五塗之官謂鄉遂大夫也謂以其授節  
非官不可言路即遂人徑塗道塗大夫所授也云凡民遠出至  
於國之民若來入由門者司門為之節由關者司關為之節  
同故知旌節是鄉遂大夫所授也云凡民遠出至於國之民  
據此注凡民出至國者司門為之節由關者司關為之節  
若宅在關內者則由關若宅在國城中先由則司門授之節  
先由關司關授之節若然邦國之民入其節直由關不由門  
亦云由門者因王國之民出由門故摠言之於義無妨也云  
其商則司市為之節者此王之掌節而言貨賄用璽節明是  
王之司市非邦國之司市其實商徒從邦國來即邦國司市

為節故上司關注云貨節謂商本所發司市之璽節自外來  
者即案其節是邦國之璽節也云其以徵令及家徒則鄉遂  
大夫為之節者知徵令有節者見鄉大夫云國有大故以旌  
節輔令則達之注云民雖命行其將之者無節不得通是徵  
令有節之事又知家徒有節也又云唯時事而行不出關不  
旌節而行之是家徒有節也又云唯時事而行不出關不  
節也者時事行若比長云徙於郊徙於國當鄉徙及非徵令  
皆不須節兼言不出關者關內當都邑當行不出關皆不  
須節也云變司市言貨賄者司市本出璽節授商今不言市  
而變言貨賄故鄭云璽節主以通貨賄非必由市或資  
於民家則由門者司門與之節由關者司關授之節故變言  
貨賄也云變鄉遂言道路者容公邑及小都大都之吏皆主  
治五塗亦有民也者鄉遂公邑為溝洫法三等采地為井田  
法井田與溝洫雖俱為溝洫稀稠有異皆有五塗以官主當  
其民出入皆受旌節故變鄉遂而言道路以容此等之官云  
之吏者以其都鄙之主在王朝唯吏在都鄙故以吏言之也  
云符節已下周法無文故皆約漢法況之案太史公本紀漢  
文帝二年九月初與郡國守相為銅虎符竹使符應劭曰銅  
虎符第一至第五國家當發兵遣使者至郡國合符符乃  
聽受之竹使符者皆以竹箭五枚長五寸鐫刻篆書第一至

第五張晏曰符以代古之圭璋從簡易也鄭引之者欲明漢時銅虎符本出於此也凡通達於天

下者必有節以傳輔之必有節言遠行無有不得節而通者也輔之以傳者

節為信耳傳說凡通至輔之○釋曰此經摠解上經門

所齋操及所適關諸有節并有傳輔成信驗或有節無

傳或有傳無節或節傳俱無節者有幾則不達○釋曰

無則不得通達於天下也釋曰此亦摠解上門關已下應有節傳

釋曰知園土內之者見比長云無節無授園土內之故也

遂人掌邦之野郊外曰野此野○疏注郊外至縣都

百里之外即遂人所掌之野在郊外曰野之中故鄭云郊外

曰野鄭又知此野謂甸稍縣都者從二百里至五百里皆名

野者此遂人不言掌遂又見下文云以達于畿明遂人掌野

通至畿疆也但遂人雖專掌二百里之中乃兼掌三百里以

外其有溝洫井田之法皆知之也以土地之圖經田野造縣鄙形

體之灋五家為鄰五鄰為里四里為鄣五鄣

為鄙五鄙為縣五縣為遂皆有地域溝樹之

使各掌其政令刑禁以歲時稽其人民而授

之田野簡其兵器教之稼穡經形體皆謂制分界

郊內比閭族黨州鄉也鄭司農云田野之居其比伍之名與

國中異制故五家為鄰玄謂異其名者示相變耳遂之軍法

追胥起徒役如六鄉鄭作管反後同分扶問反又○疏以

如字下分制同比賦志反下同追如字劉張類反疏土

至稼穡釋曰遂人以土地之圖據圖以經界其田野田野

謂田在百里之外野中所經界者即造縣鄙已下是也云造

縣鄙者此與下五家為鄰之等為摠目五家已下據地境界四

言二者耳云皆有地域溝樹之者從五家已下據地境界四

邊營域為溝溝上而樹之也云使各掌其政令刑禁者五家

則鄰長施政令五鄰則里宰施政令已上皆施之云以歲時

稽其人民者稽計也人民猶言夫家夫家男女也以歲時

時計其所管男女多少而損益之云授之田野者若下文一

周禮卷十五



廛田百晦云簡其兵器者若族師旗鼓兵革云教之稼穡者亦若計耦耕事○注經形至六鄉○釋曰云經形體皆謂制分界也者以田野云經縣鄙云造形體之法明是為田野云經緯為縣鄙云形體二者同實而異名明俱為分界處所也云鄰里鄣鄙縣遂猶郊內比閭族黨州鄉以家數相對是同故云猶郊內也先鄭云田野之居其比伍之名與國中異制者田野之居釋經田野比伍之名謂夫一廛田百晦也言此五則經中言五皆是也名與國中異制亦異以其六遂之內上地有萊五十晦并下劑致毗並異也玄謂異其名者示相變耳者此後鄭直增成先鄭家數雖同其名異之意云遂之軍法追胥起徒役如六鄉者案小司徒云乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅以作田役以比追胥以令貢賦注云鄉之田制與遂同但彼鄉中唯見出軍無田制此遂人唯見田制無出軍法故鄭彼注云鄉之制與遂同此遂之軍法追胥起役如彼六鄉互見其義明彼此皆有也但彼此雖相如據大較而言細論之仍有少異以其六鄉上劑致民六遂下劑致毗六鄉上地無萊六遂上地有萊有萊是其稍異也○

凡治野以下劑致毗以田里安毗以樂民冒擾

毗以土宜教毗稼穡以興勸利毗以時器勸

毗以彊予任毗以土均平政

致猶會也民雖受上田中田下田及會之以下劑為率謂可任者家二人樂昏勸其昏媾如媾氏會男女也擾順也時器鑄作耒耜錢鎛之屬彊予謂民有餘力復予之田若餘夫然政讀為征土均掌均平其稅鄭大夫讀勸為藉杜子春讀勸為助謂起民人令相佐助○毗亡耕反勸音助李又音鉏彊其良反懷木又作懷莫崩反又音蒙李武泳反猶會古外反下一字同率音律又音類錢音疏凡治至平政○釋曰云翦劉音踐鎛音博復扶又反疏以下劑致毗者對六鄉之中其家一人為正卒已下皆為羨卒此六遂之中家一人為正卒第二者為羨卒自外並為餘夫家取二人為下劑致毗也云以田里安毗者田則為百晦之田里則五晦之宅民得業則安故云安毗也以樂昏擾毗者男女人所樂故云樂昏飲食男女人之大欲存焉故配以昏媾即順民意也以土宜教毗稼穡者高田種黍稷下田種稻麥是教之稼穡云以興勸利毗者勸助也興起其民以相佐助是與民為利故云利毗也○注變民至佐助○釋曰此案大司徒小司徒主六

鄉皆云民不言此變民言此者直是異外內而已無義例以其民者冥也配者懵懵皆無知之兒也云雖受上田中田下田者即此下文夫一廛以下是也云以下劑為率謂可任者家二人者則其外為餘夫是也云未耜錢鑄之屬者詩云時乃錢鑄仍有茲基之等故云之屬鄭大夫讀勅為藉藉借也謂借民力所治之田民相於無此事故後鄭謂相佐助從子辨其野之土上地中地地下地以頽田里上春也

地夫一廛田百晦菜五十晦餘夫亦如之中

地夫一廛田百晦菜百晦餘夫亦如之下地

夫一廛田百晦菜二百晦餘夫亦如之

鄭司農云戶計一夫一婦而賦之田其一戶有數口者餘夫亦受此田也廛居也楊子雲有田一廛謂百晦之居也立謂廛城邑之居孟子所云五晦之宅樹之以桑麻者也六遂之民奇受一廛雖上地猶有菜皆所以饒遠也王莽時城郭中宅不樹者為不毛出三夫之布。令力呈反晦音訛萊音來敷色主反奇居宜反

**疏**辨其至如之釋曰此據在

六遂之中為野故以野言之并上地中地地下地以頽其田里此皆與已下為揔目也此直言上中下地亦當如小司徒云上地家七人中地家六人下地家五人也。注萊謂至之布釋曰案詩云田卒汚萊注高者萊下者汚是萊謂休不耕者也先鄭引楊子雲有田一廛謂百畝之居也後鄭不從以為廛與孟子五晦之宅同者此經上中下地皆云夫一廛田百晦百晦與一廛別言之則此廛與廛人皆謂廛綿於其中則此乃是廛里在國中之一地也不得同為百畝之田詩所云三百廛兮者自是三百家之稅故亦廛表稅也云六遂之民奇受一廛者釋經餘夫亦如之則餘夫皆有田有廛是餘夫奇別更受廛備後離居之法故奇受一廛也云雖上地猶有萊者對六鄉不言餘夫之廛上地又無萊故云皆所饒遠也引王莽時事者證廛是城郭中言

凡治野夫間有遂遂上有徑十夫

有溝溝上有畛百夫有洫洫上有涂千夫有

澮澮上有道萬大有川川上有路以達于畿

十夫二鄰之田百夫一鄰之田千夫二鄰之田萬夫四鄰之田遂溝洫澮澮皆所以通水于川也遂廣深各二尺溝倍之洫



今經云以達于畿明畿以內之中雖有都鄙作井田之法遂  
人亦盡主其地明不可細主井田尚主公邑之中為溝洫之  
法與鄉遂人盡  
主之可知也

以歲時登其夫家之衆寡及其六  
畜車輦辨其老幼癯疾與其施舍者以頒職

作事以令貢賦以令師田以起政役

猶言男女也施讀為弛職謂民九職也分其農牧衡虞之職  
使民為其事也載師職云以物地事授地職互言矣貢九貢  
也賦九賦也政役出士徒役○施○疏○以歲至政役○釋曰  
式氏反下施舍皆同政音征注同○疏○云以歲時以主其夫  
家已下亦如族師所云以歲之四時成定男女之等○注登  
成至徒役○釋曰云施讀為弛者以其文承老幼癯疾之下  
下又別云以起政役明此不得為施政役破施為弛謂弛捨  
其政役也云職謂民九職也者以其頒職而作事是民之九  
職使之作事而遺出九貢也云分其農牧衡虞之職者農即  
三農牧即藪牧衡虞即虞衡作山澤之材不言商賈嬪婦臣  
妾之等者略之也云載師職云以物地事授地職互言矣者  
彼云物地事不云貢賦此云令貢賦不云物地事地事貢賦當

其所治之民而至以遂之大旗致之其不用  
命者誅之

也賦者即亦大宰九賦一曰邦中之賦二曰四郊之賦之等  
是也云政役出士徒役者即上注遂之軍法如六鄉者是也

若起野役則令各帥

其所治之民而至以遂之大旗致之其不用

命者誅之

也遂謂師田若有功作疏若起至誅之○釋  
小司徒凡起徒役毋過家一人之類也云則令各帥其所治  
之民而至者謂令縣正已下縣正云若將用野民師田行役  
移執事則帥而至治其政令是縣正受遂人之令也云以遂  
之大旗致之者以其遂人雖是大夫合用鳥隼之旗致衆今  
遂人掌衆與大司徒同故致衆得用熊虎為旗也○注役謂  
至熊虎○釋曰知役謂師田若功作也者以其縣正所云用  
野民師田行役移執事為此事致之明此役與彼同其  
云功作則移執事之等是也云大旗熊虎者司常職文凡

國祭祀共野牲令野職

注共野至之屬○釋曰云共野牲入於牧人以待事也者謂  
牛羊豕在六遂者故曰野牲牧人云掌牧六牲以待祭祀故

國祭祀共野牲令野職

注共野至之屬○釋曰云共野牲入於牧人以待事也者謂  
牛羊豕在六遂者故曰野牲牧人云掌牧六牲以待祭祀故

知此野牲牧人云掌牧六牲以待祭祀故知此野牲亦入牧人以待事也云野職薪炭之屬者此官令之委人斂之故下委人云掌斂野之賦又云斂薪芻凡疏材

木材凡畜聚之物言之屬者兼此諸物也凡賓客令脩野道而委積委積於廬宿市疏凡賓至委積。釋曰案大司

令遣人此於百里外野道又令之故大喪帥六遂之役注云委積於廬宿市是亦令遣人也

而致之掌其政令及葬帥而屬六綽及窆陳

役致役致於司徒給墓上事及窆也綽舉棺索也葬舉棺

者謂載與說時也用綽旁六執之者天子其千人與陳

殯啓朝及引六鄉役之載及窆六遂役之亦即遠相終始也

鄭司農云窆謂下棺時遂人主陳役也禮記謂之封春秋謂

之塋皆葬下棺也聲相似屬音獨綽音弗窆劉昌綽反穿

也本作窆戚彼驗反與注相應與說始銳反人與疏注致

音餘朝直遙反之封彼驗反或如字塋補鄧反

相。釋曰鄭知致役致於司徒給墓上事及窆也者以其

殯及引皆六鄉役之其墓上事及窆等六遂役之故知致役

給墓上墓上則說載下棺之等窆謂穿墳之等不言在廟載

事亦六遂役之不言者略也必致於司徒者司徒雖主六鄉

以其地官之卿掌徒庶之役亦兼掌六遂之役故也云綽舉

棺索者以其據在棺則曰綽據在道則曰引六遂之役不在

道故據在棺而言綽也云葬舉棺者謂載與說時也者以其

經云屬六綽不據在道故知在廟載時及在塋說時也云用

綽旁六執之者天子其千人與者案雜記諸侯執綽五百人

大夫三百人以此約之天子千人無正文故云與以疑之云

陳役者主陳列之耳者以其經云及窆窆謂下棺下棺之時

千人執綽背碑負引須陳列其人故知謂陳列之也云匠師

帥監之鄉師以斧淮焉者案其鄉師職知之云大喪之正棺

殯啓朝及引六鄉役之載及窆六遂役之知義然者案大司

徒職云大喪帥六鄉之衆庶屬其六引此遂人云帥六遂之

役屬六綽及窆陳役鄭據此二文言之以六鄉近使主殯及

啓朝爲始在祖廟之中將行載棺於轎車屬六綽則六遂爲

終也至於在道言引則還使六鄉爲始至塋窆之下棺則還

使六遂爲終以二處合自其爲終始故云即遠相終始也封

崩是也窆封崩封三者字雖不同皆是下棺也云聲  
相似者窆封崩皆以去聲言之故云聲相似也 凡事致

野役而師田作野民帥而至掌其政治禁令

○治直吏反 疏 凡事至禁令 ○釋曰此  
下治訟皆同 居職未摠結之言也

遂師各掌其遂之政令戒禁以時登其夫家

之衆寡六畜卑輦辨其施舍與其可任者經

牧其田野辨其可食者周知其數而任之以

徵財征作役事則聽其治訟

疏 遂師至治訟 ○釋曰以遂師下大夫

財征賦稅之事 疏 四人所掌六遂亦如鄉師主六鄉亦

二人共主三遂故云各掌其遂之政令戒禁并以時登其夫

家衆寡六畜已下皆如鄉師之職但鄉師云輦又云老幼貴

賤癘疾此不言之此云經牧其田野之等彼不言之皆是互

換爲義故設文不同也云周知其數而任之以徵財征者謂

周徧知其夫家六畜及田野之等任之據人民之數徵財征據田

野之數也云作役事則聽其治訟者役事中可兼軍役田獵

功作之等皆聽其治訟也 ○注施讀至之事釋曰云施讀亦

弛也者此注與鄉師同以其與其可任者對而言明施不得

爲施功之事故讀爲弛與舍同爲捨放之事云經牧制田界

與井也者但六遂制溝洫法上文所云者是令以爲制界與

井也又爲井田法者以其遂人兼掌采地故上云掌野鄙兼

言稍縣都以采地有井田法故此經云經牧其田野與小司

徒文同故鄭亦兼言井也云可食謂今年所當耕者也者六

遂以外上地亦有菜中下之地自然皆有菜不耕者故云今

年所當耕者也云財征賦稅之事者征是賦稅財是地稅故

云財征賦稅之事也雖以地稅爲正其中亦兼有口率出泉

也 巡其稼穡而移用其民以救其時事

疏 巡 移用其 民使轉

相助救時急事也四時耕耨斂艾芟地之宜晚早不

同而有天期地澤風雨之急 ○耨奴豆反艾音刈 疏 其

並須移用其民救其時事故并言之也

**凡國祭祀審其誓戒其野**

**牲** 審亦聽也 **疏** 凡國至野牲。釋曰案冢宰職云大祭祀掌

官主審其戒戒遂之民故不同也 **人野職野賦于玉府** 民所入貨賄

賦中玉府 **疏** 注民所至用者。釋曰云野職謂民九職之

之用者 **疏** 貢野賦謂民九賦自邦甸家稍縣都之等口

率出泉以其在遠郊之外故皆以野言之也云中玉府之用

者亦是遂師自當徵其穀稅泉以入大府分之眾府也若然

案大府職云式貢之餘財以共玩好之用入於玉府彼入玉

府者是式貢之餘財財之美者由大府乃入玉府此經入玉

府者非財之美不堪王之玩好者也 **賓客則巡其道脩庀其委積** 其

道脩行治道路也故書庀為比鄭司農云比讀為庀庀具也

○庇又作庀匹爾反具也劉副美反一音芳米反脩行下孟

反 **疏** 賓客至委積。釋曰巡其道脩者大司徒云野脩道

委積據國外曰野在六鄉之中者此據六遂之中者

**大喪使帥其屬以幄帟先道野役及窆抱磨**

**共上籠及蜃車之役** 使以幄帟先者大宰也其餘司

徒也幄帟先所以為葬窆之間

先張神坐也道野役帥以至墓也上籠之役窆復土也其器

曰籠蜃車柩路也柩路載柳四輪迫地而行有似於蜃因取

名焉行至壙乃說更復載以龍輶蜃禮記或作輶或作輶役

謂執紼者鄭司農云抱磨磨下車也玄謂磨者適歷執紼者

名也遂人主陳之而遂師以名行校之。磨劉音歷籠力董

反蜃市軫反以為于偽反坐才臥反復音服或音福乃說始

銳反或吐活反更復扶又反輶勅倫反樽市 **疏** 大喪至之

專反李徒官反軫市專反適音約又音釋 **疏** 役。釋曰

樞則在地未葬窆之間須有凶靈神坐之所故知大幕之下  
宜有帷之小帳小帳之內而有帟之承塵以為神坐也云道  
野役帥以至墓也者以其二云道導是帥引之言故知從廟  
帥引往至墓所也云丘籠之役窆復土也者窆謂穿地復土  
謂下棺之後以壙上土反復而為丘壟皆須籠器以盛上也  
云蠶車樞路也者人君所居皆曰路故云樞路也云樞路載  
柳四輪迫地而行者謂在祖廟中遂匠納車於階間卻而上  
載之乃加帷荒帷荒即柳也四輪迫地而行即輕車以二軸  
而貫四輪四輪即許氏說文云無輻曰輕者也云似於蠶因  
取名焉者此解名為蠶車之意云行至壙乃說更復載以龍  
輻者以其天子諸侯殯時用輻車即檀弓所云菽塗龍輻天  
子之禮是也諸侯不龍其輻而已殯既用輻明葬時用輻可  
知云蠶禮記或作轉或作輻者案雜記云載以輻車鄭注云  
輻讀為輻或作輻輻經作輻一部禮記作輻或作輻輻經不  
為輻者但輻輻字雖異其義同故此云或作輻也但為輻者  
非車之體不從之取其輻字或有作輻字團又轉誤為國字  
者故既夕記云遂匠納車於階間注云車載樞車周禮謂之  
蠶車雜記謂之團車喪大記又謂之國車也先鄭云抱磨磨  
下車也者於義無所當故後鄭不從也後鄭云適歷執紼者  
名也者謂天子千人分布於六綽之上謂之適歷者分布稀

疏得所名為適歷也云遂人主陳之者案上遂人云及窆陳  
役是也云而遂師以名行校之者但執紼之人背碑負引而  
退行遂師抱持版之名字巡行而  
**軍旅田獵平民**  
校錄之以知在否故云抱磨也

**掌其禁令比敘其事而賞罰**  
平謂正其行列部伍也鄭司農云比讀為  
庀。比敘四兩反。疏。軍旅至賞罰。釋曰軍旅謂征伐田  
出注行列戶剛反。獵謂四時田云平民者謂遂師平  
正六遂之民故云平民也云比敘其事而賞罰者遂師校  
比次敘其行伍而行賞罰也。注平謂至為庀。釋曰周禮  
之內云比者後鄭皆為校比先鄭皆為  
庀庀為具得通一義故引之在下也

遂大夫各掌其遂之政令以歲時稽其夫家  
之眾寡六畜田野辨其可任者與其可施舍  
者以教稼穡以稽功事掌其政令戒禁聽其  
治訟  
施讀亦為弛功事九職  
疏。遂大至治訟。釋曰此  
一經與遂師職意同但



互見其義耳。注施讀至功業。釋曰云功事九職之事民所以為功業者大宰以九職任萬民彼云任即此功事謂任之使有令為邑者歲終則會政致事不言其遂之功者也。令為邑者歲終則會政致事吏而言為邑者容公邑及卿大夫王子弟之疏注不言至施焉。釋曰采邑政令戒禁遂大夫亦施焉。言之者若直言遂之吏則不容公邑與采邑今遂大夫不言遂之吏變云為邑則遂中可以不兼公邑采邑二者故云政令戒禁遂大夫亦施焉以其遂人云掌野又云以達正歲簡稼器脩稼政簡猶于畿故知亦施政令戒禁稼器未耜鏹基之屬稼政孟春之月令所云皆脩封疆審端徑術善相丘陵阪險原隰土地所宜五穀所殖以教道民必躬親之。術音遂。疏注簡猶至親之。釋曰云稼器未耜相息亮反道音導。磁基之屬者其器中含有錢鏹之等故云之屬也。云稼政孟春之月令所云皆脩封疆者此是月令鄭注彼封疆謂田首之分界也。云審端徑術者鄭彼注術當為遂引遂人職云夫間有遂遂上有徑當審之使脩理也云善相丘陵阪險原隰者土之高者曰丘大阜曰陵坡者曰阪險下濕者曰隰高平曰原也。云土地所宜者即丘陵已下若高田種黍稷下田種稻麥丘陵阪險種桑棗是也。云以教

道民必躬親之者彼約束與田大夫必身親檢校之以證稼政之事。三歲大比則帥其

吏而興阡明其有功者屬其地治者與阡舉民賢者能者

如六鄉之為也興猶舉也屬猶聚也又因舉吏治有功者而聚勅其餘以職事。比毗志反下徵比及注同屬音燭聚也注同治。疏三歲至治者。釋曰云三歲大比已下若鄉大直吏反。夫三歲大比與賢者能者其義同變之耳。云帥其吏者則遂大夫已下縣正至鄰長。注與毗至職事。釋曰云與毗舉民賢者能者如六鄉之為也者此文不具故鄭就鄉大夫解之彼以鄉飲酒與賢能者厥明獻賢能之書於王。王拜而受之登於天府內史貳之此職亦然也。云與猶舉也屬猶聚也者謂當與舉之時因舉治民之吏鄉長以上吏之有功者而升之又聚其地治鄰長以上勅之以職事使之不慢也。凡為邑者以四達戒其功事而誅賞廢興也。  
之四達者治民之事大通者有四夫家眾寡疏凡為至也六畜車輦也稼穡耕耨也旗鼓兵革也。與之。釋曰此言為邑者義如上不言遂之吏而言為邑者容公邑及采邑也。云以四達戒其功事者達通也謂將四通之事以



也歲終則會其鄙之政而致事

鄧長各掌其鄙之政令以時校登其夫家比

其衆寡以治其喪紀祭祀之事校猶數也疏鄧長至

釋曰以其一鄙五鄧故云各當其鄙之政令也云以治其喪紀者謂民之喪紀若鄉師所云族共喪器之類治其祭祀者謂若族祭酺之類若然縣當祭社與州同縣正鄙師鄧長皆不言所祭神者六遂與六鄉互見其義也若作

其民而用之則以旗鼓兵革帥而至若歲時

簡器與有司數之簡器簡稼器也兵器亦存焉有司遂大夫疏若作至

釋曰言作其民而用之者謂師田及巡守之等直言以旗鼓兵革不言車輦文不具注簡器至大夫釋曰云簡器簡稼器也者見遂大夫職云正歲簡稼器脩稼政則此官與遂大夫共簡之故注云有司遂大夫也知兵器亦存焉者以遂大夫云簡稼器此不言稼直云器故知器中兼有兵器旗鼓兵革亦有在其中也凡歲時之戒

令皆聽之趨其耕耨稽其女功

聽之受而行之也女功絲枲之

事凡歲至女功釋曰此鄧長彌親民故趨其耕耨并稽考女功之事注聽之受至之事釋曰鄭知聽

之為受而行之非聽斷之者以鄧長中士官惟承受遂人已下之事不得專聽斷故知聽謂受聽而行之也知女功絲枲者案禮記內則論女功云執麻枲治絲繭故知此女功亦治絲枲以為布帛

里宰掌比其邑之衆寡與其六畜兵器治其

政令邑猶里也疏里宰至政令釋曰里宰二十五家不言

可知注邑猶里也釋曰邑是人之所居之處里又訓為居故云邑猶里也以歲時合耦于

耨以治稼穡趨其耕耨行其秩敘以待有司

之政令而徵斂其財賦考工記曰耜廣五寸二耜為耦此言兩人相助耦而耕也

鄭司農云耨讀為藉杜子春云耨讀為助謂相佐助也玄謂耨者里宰治處也若今街彈之室於此合耦使相佐助因放

而為名季冬之月令命農師計耦耕事脩耒耜具田器是其  
歲時與合人耦則牛耦亦可知也秩敘受耦相佐助之次第  
○治處直吏反街音佳彈疏以歲至財賦○釋曰云歲時  
如字一音丹放沈方往反疏者亦謂歲之四時云合耦于  
耦者耦助也謂合兩相佐助於里宰處之四時云合耦于  
治理其民使為春稼秋穡之事云趨其耕耨者謂使民趨時  
以春耕夏耨云行其秩敘者謂民使行其合耦使有次第云  
以得有司之政令而徵斂其財賦者以六遂之賦稅縣師徵  
之旅師斂之則此財賦言待有司徵斂者謂縣師旅師也○  
注考工至次第○釋曰鄭引考工記者欲證合耦為二人其  
發一尺之地乃成映以通水之意也先鄭云耦讀為藉者藉  
借也非相佐助之義故後鄭不從之也杜子春讀耦為助謂  
相佐助也於義合但文今不足故後鄭增其義也玄謂鋤者  
里宰治處也若今街彈之室者鄭以漢法況之漢時在街置  
室檢彈一里之民於此合耦使相佐助因放而名耦也引月  
令者證歲時合耦之事秦周政令或異故云是其歲時與言  
與以疑之也云合人耦則牛耦亦可知也者周時未有牛耦  
耕至漢時搜粟都尉趙始教民牛耕今鄭云合牛耦可知  
者或周末兼有牛耦至漢趙過乃絕人耦專用牛耦故鄭兼  
云焉云秩敘受耦相佐助之次第者或家有一夫二夫共耦

若長沮桀溺耦而耕或先  
後次第相佐助為之也

### 鄰長掌相糾相受

相糾相舉察

**疏**

鄰長至相受○釋曰鄰長不命之士為之

各領五家使五家有過各相糾察宅舍有故又相容受也

### 凡邑中之政相贊

長短使相

**疏**凡邑至相贊○釋曰云邑中者亦謂一里之內有上

助長短使相疏政令徵求則五鄰共相贊助此則以長補短故鄭云

長短使相疏徙于他邑則從而授之

### 徙于他邑則從而授之

從猶隨也疏徙

至授之○釋曰古者三年大比民或於是徙謂不便其居則徙於他遷向他遂非直從授之明無罪過亦當以旌節將行之出鄉無節則唯園土內之是也

附釋音周禮注疏卷第十五

泰寧盧氏  
直自校印

而精嘉高平天書  
用而證權藏市精

知南昌府張敦仁署都陽縣僚補知州周澍彙

周禮注疏卷十五校勘記

阮元撰盧宣旬摘錄

附釋音周禮注疏卷第十五

質人

會謂古人會聚買賣

閩本同監毛本作市是也

此知人民奴婢也者

浦鐘云此知二字當誤倒案人民下當脫為

質劑月平賈也

余本嘉靖本闕監本同毛本也誤九未本岳本無也

淳當為純

九經古義云經淳制管子作縉制制分篇云衡一稱斗斛一量丈尺一縉制戈兵一度。按

縉字不見於說文未可從也

云其券之象書兩札刻其側者

毛本同閩監本札改劄。按此可證宋人用劄

為札

邦國碁唐石經諸本同釋文國碁如字本或作碁同案儀禮十虞禮注云古文碁皆作碁周禮古文與儀禮正同此當從陸本○按近人以碁年字別於期會直是俗字然自廣韻已如此分別矣凡經典如此分別者非也

塵人唐石經宋本嘉靖本同閩監毛本總改總掌斂市斂布總布非注及疏同釋文斂布音次本或作次案經當作斂注當作次

總讀如租稔之稔漢讀考云租稔當是組總之訛見巾車職

質布者質人之所罰余本閩監毛本同宋本岳本嘉靖本無之案賈疏引注亦無之字有者衍文

謂貨物儲藏於市中釋文諸本作貯又作褚藏劉本作葬案葬也者藏也故以儲葬釋藏○按諸从宁者聲宁之或字也宁者辨積物也

久則將瘦臞腐敗釋文瘦本又作瘦臞其俱反又作臞音稍案賈疏本作瘦臞○按臞之義在考工梓人

云久則將瘦臞腐敗者閩本同監毛本臞改臞非下同

膏師憲長縣之余本同誤也宋本嘉靖本閩監毛本長作表當據正

謂司當時設禁令閩本同監本司上剗擠市字毛本遂排入

此止當職宋本當字缺浦鏗云止蓋正之誤

賈師謂官有所斥令賣余本閩監毛本同宋本岳本嘉靖本無令字案賈疏引注云謂官有所斥賣則有令者衍文

肆長

掌其戒禁唐石經宋本余本嘉靖本毛本同閩監本禁作令非石經考文提要云宋本九經宋纂圖互注本宋附釋音本余仁仲本皆作禁

泉府

貨之滯於民用者漢讀考於作于

物揭而書之物物為揃嘉靖本閩本揭作揭毛本揃作揃皆訛

元謂抵實抵字抵本也宋本抵皆作抵誤監本上抵誤抵

主有司是也余本閩監毛本同宋本嘉靖本無也案此本疏標起止云注故書至司是則賈疏本無也有者衍文

注故書至司是閩監毛本因注中衍也字因改此作故書至是也

云主有司是也浦鏗云云上當脫故

凡賒者監毛本賒改賒注及疏同

凡國事之財用取具焉唐石經宋本嘉靖本毛本同監本國事倒作事國此本及閩本脫事字今補正

凡國至其餘閩毛本同監本國改事

司門

鍵讀為蹇漢讀考云經本作蹇注本作蹇讀為鍵此以注改經復以經改注之一也案此易蹇為鍵故下云鍵謂卦賈疏云先鄭讀為蹇者欲取其蹇澁之意然則唐初本已誤

欲取其蹇澁之意閩本同監毛本滿作澁

衣服視占宋本余本嘉靖本毛本同閩監本占及瞻疏中同按作瞻非也視占謂可占驗處

祭祀之牛牲繫焉

唐石經諸本同釋文繫作繫云本又作繫案古繫字多作繫易繫辭本作繫

故左氏莊公二十五年

閩監毛本作左傳

司關

參相聯以檢猾商

賈疏引注作參相連以檢猾商注當本用連此改聯非宋本檢作檢此本疏中

檢檢錯出

關下亦有邸客舍

諸本同段玉裁云當作舍客謂以邸舍客也

二事雙言也

惠按本二作一此誤

此關亦有邸舍

惠按本關下有旁此脫

授節節者即授傳與之

監本刻去一節字此衍

凶謂凶年饑荒也

宋本嘉靖本饑作飢非

猶苛察不得令姦人出入

釋文苛呼多反又音何姦作姦嘉靖本猶誤循案苛蓋本作荷

謂呵問審察也

按古呵問字或作苛或作荷此作苛不誤

敬關猶謁關人也

宋本嘉靖本敬作叩案賈疏引注作叩關是注本用叩字此仍依經改敬非

按叩乃俗字古祇作敬不當云經敬注叩也

猶聘禮關人也

惠按本禮下有誤

敵國賓至關關尹以告

惠按本無上關此衍

則此經司關為之告一也

惠按本無一

掌節

守邦國者用玉節

說文卩部作守國者用玉卩云卩象相合之形

玉節之制如王為之以命數為小大

此本王誤土嘉靖本誤玉今據諸本訂正



通典七十五引作以命數為大小浦鐘改作以玉為之云  
據儀禮經傳通解按案賈疏云以邦國與王同稱玉節亦  
皆以玉為之以其諸侯國內亦有徵守好難起軍旅之等  
故知與王同然則注正作如王浦鐘輕據他書竄改誤甚  
可以約王之玉節惠按本無以此衍

凡邦國之使節山國用虎節土國用人節澤國用龍節說文

云使山邦者用虎日土邦者用人日澤邦者用龍日國字皆  
作邦為異

入由門者司門為之節由關者司關為之節宋本司門為  
之節下有也  
入二字司關為之節下有也按二字並衍

其以徵令及家徒余本同誤也宋本嘉靖本閩監毛本皆  
作家徒當訂正案賈疏引注作家徒又  
引比長若徙於他則為之旌節而行之以證

非門關之官不可輒授監本輒訛輒下同

云道路者主治五溝五涂之官謂鄉遂大夫也謂浦鐘  
云下  
謂當作者

若宅在國城中先由則司門授之節閩本則改門監毛  
本承之案則上當  
有門字惠按本門則二字並有

鐫刻篆書閩監毛本鐫作鐫

遂人

此野謂甸稍縣都宋本余本岳本嘉靖本同閩監毛本謂  
誤為下節注皆謂制分界也同

五家已下有六等閩監毛本已改以

田百晦也閩監毛本晦改畝

言比五則經中言五皆是也浦鐘云比伍誤比五

上地有萊有

盧文弨曰下有萊疑衍

以下劑致眈

漢讀弓云宋本周禮音義詩衛風正義白帖宋刻卷廿三引周禮眈皆作岷知開成石經作眈以岷為亡民則改之也

以樂昏擾眈

宋本不本嘉靖本同唐石經閩監毛本昏作昏注中半此

以興耜利眈

說文不部云耜商人七十而耜耜藉稔也从耒助聲周禮日以興耜利萌案鄭大夫注讀耜為藉與許君訓耜為藉意同

以疆子任眈

閩監毛本同誤也唐石經宋本余本嘉靖本疆皆作疆當訂正注中同釋文亦誤作疆余本載音義作疆

眈猶懵懵無知

也釋文懵懵本又作懵宋本嘉靖本貌作兒此本疏中亦作兒漢讀考云說文引周禮以興初利萌漢人謂民為萌注當云變民言萌萌猶懵艸木始生曰萌故訓曰懵若岷則毛傳說文訓為

民也

詩云時乃鋤

惠按本同閩監毛本時改疇

故云皆所儲

遠浦鏗云所下脫以

十夫二鄰之田

毛本鄰改隣此本誤都今據諸本訂正

以南畝圖之

明監毛本同宋本作而南畝圖之余本岳本靖本畝皆作畹此本疏中引注亦作畹當訂正

軌廣八尺

真按本作九尺。按惠棟誤也軌無容九尺者

環涂以為諸

侯經涂惠按本閩本同監毛本經誤徑下同。按毛本此二行三經字皆譌為徑

辨其老幼癯疾

監本癯誤廢疏中同

及窆陳役釋文作及窆云劉昌綰反穿也本作窆戚彼驗反與注相應案陸從劉昌宗作窆與注乖富從戚衣本作窆今本是也

給墓上事及窆也宋本窆誤轟

春秋謂之塋宋本塋作備載音義同葉鈔釋文亦作備

遂師

施讀亦弛也諸本同案亦下當脫為土均注云施讀亦為弛也可證浦改作施讀為弛非此承上遂人注施讀為弛言之故云亦

謂周徧知其夫家六畜及田馬之等任之此本之等二字劉濟閩監

毛本遂併入

云地之宜晚早不同者閩監毛本晚早誤倒

此經入玉府者惠按本經作徑此誤

及窆抱磨閩監毛本同誤也余本嘉靖本磨作磨注中同當據正葉鈔釋文抱磨劉音懸通志堂本亦誤磨困

學紀聞云遂師抱磨音歷史記樂毅書故磨反乎磨室徐廣注磨歷也戰國策新序作歷室蓋古字通用

禮記或作搏余本岳本閩監本同釋文亦作搏音市專反宋本嘉靖本誤作搏毛本誤作搏

謂祖廟中將行惠按本謂下有在此脫

脫載陰節閩本同監毛本節作節。按節是

或作搏閩本同監毛本搏改搏下但為搏者同案宋本注作搏當即搏之說

遂大末

施讀亦為弛宋本弛作弛

末耜鎡基之屬嘉靖本鎡基作茲其從金從土蓋後人所加此本疏中引注作鎡其

審端徑術

諸本同釋文亦出徑術二字岳本徑作經誤

引遂人職云

惠校本引上有卽此脫

勅之以職事

惠校本勅作勅下節疏同

縣止

云頒田里者

閩本同監本云下劓瘠以字毛本遂排入

夫一塵田百畝也

監本晦改畝

鄧長

并稽考女功之事

惠校本之下有等

里宰

趨其耕耨

毛本耨誤耕

但文今不足故後鄭增其義也

閩監毛本增改從文今疑誤

鄰長

徙于他邑

嘉靖本徙誤徒

附釋音周禮注疏卷第十六

禮圖圖民  
向向枝向

鄭氏注

賈公彥疏

旅師掌聚野之糶粟屋粟間粟

野謂遠郊之外也糶粟民相助

作一井之中所出九夫之稅粟也屋粟民有田不耕所罰三夫之稅粟間粟間民無職事者所出一夫之稅粟○間音閑注疏旅師至間粟○釋曰此旅師斂六遂之稅六遂在野同野謂遠郊之外也者案鄉大夫野自六尺彼野謂城外此野據遠郊之外六遂之中也云糶粟民有相助作一井之中所出九夫之稅粟也者六鄉六遂與公邑三處皆為溝洫法三等采地乃為井田今此六遂之中鄭云一井之中出九夫之稅粟以為井田與例違者但鄉遂之中雖為溝洫法及其出稅亦為井田稅之是以小司徒職云考夫屋注云夫三為屋屋三為井出地貢者三三相任是出地稅亦取井有九夫三三相保而稅之故以井言之云屋粟民有田不耕所罰三夫之稅粟間粟間民無職事者所出一夫之稅粟者此並載師職文但彼云出夫家之征彼注云夫稅者百晦之稅家稅

者出土徒車輦此經云粟無取於家征之義故略不言也 而用之以質劑致民平

頒其興積施其惠散其利而均其政令 而讀為

誤也若用之謂恤民之艱阨委積於野如遺人於鄉里也 質劑致民案人稅者名會而貸之興積所興之積謂三者之 粟也平頒之不得偏頗有少縣官徵聚物曰興今云軍興 是也粟縣師徵之旅師斂之而用之以賜衣食曰惠以作 事業曰利均其政令者皆以國服為之 息。而用而音若出注積子賜反注同 疏 而用至政令。 上者之粟也。注而讀至之息。釋曰鄭必讀而為若者所 聚之粟民有艱阨乃用之無則貯待凶年則若為不定之辭 其而字無義例故鄭轉為若也云若用之謂恤民之艱阨者 案遣人云鄉里之委積以恤民之艱阨此六遂即鄉里也故 鄭云委積於野如遺人之於鄉里也云以質劑致民案入稅 者名會而貸之者所聚之粟遷擬凶年振恤所輸入之人欲 與之粟還案入稅者之名會計多少以貸之簿書若市券 有長短故云質劑也云縣官徵聚物曰興者六遂已外縣師 徵之故云縣官徵聚物曰興云今云軍興是也者鄭舉漢法 況之興皆是積聚之義也云是粟縣師徵之者案上縣師職

云歲時徵野之賦貢故知也云旅師斂之者即上文聚三等 粟是也云而用之則若用之是也云以調衣食曰惠知者以 衣食先當時用不生其利故云惠所為事業後即有利故云 利此對文惠利兩有故為此釋若通而言之惠利為一故論 語孔子云因民所利而利之不亦惠而不費是惠利通也云 均其政令者皆以國服為之息者亦如泉府凡民之貸者以 國服為之息鄭彼注云以其於國服事之稅而出息也於國 事受園廬之田而貸萬泉者則替出息五百若然近郊之田 貸萬泉者皆依國可知 凡用粟春頒而秋斂之 困時施之 疏 凡用至斂之。釋曰上經所云是貸而生利 饒時收之 疏 此經所云是直給不生利也官得舊易新民 得濟其困乏官 凡新眊之治皆聽之使無征役以 民俱益之也

地之嫩惡為之等 新眊新徙來者也治謂有所求乞

侯來徙家期不從政以地美惡為之等七人以上授以上地 六口授以中地五口以下授以下地與舊民同旅師掌斂地 稅而又施惠散利是以屬用新民焉。治 疏 注新眊至民 直吏反注同復音福期音基上時掌反 焉。釋曰云

新毗新徙來者也者即上徙於他者是也云治謂有所求乞也者此無正文鄭以意解之以其無征役可治又新來未有業次故知治是求乞也引王制自諸侯來徙於家期不從政者彼仍有自家徙於諸侯三月不從政不引之者略引之以證有復除之法云以地美惡為之等七人以上授之以上地已下者此皆據小司徒職文此三等據中地而言故注云有夫有婦乃成家自二人以至十人為九等七六五者為其中但彼六鄉上地無萊此據六遂上地有萊五十晦已外中地下地外內同皆三百晦耳

稍人掌令丘乘之政令

禹乘四丘為甸甸讀與惟由是改云是掌令都鄙脩治井邑丘甸縣都之溝涂云丘甸者舉中言之溝涂之人名井別邑異則民之家數存焉○丘乘繩證反注丘乘曰乘丘甸井疏稍人至政令○釋曰云為甸甸讀禹畷之畷皆同音舉中而言也言令者謂三等采地之中為溝涂之法耳○注丘乘至存焉○釋曰丘乘四丘為甸據小司徒而不言之也云甸讀與惟禹畷之畷同者案毛詩云惟禹甸之不言畷者

鄭先通韓詩此據韓詩而言畷畷是軍陳故訓為乘言由是改云者由甸出車一乘可以為軍故改云乘不為甸也云是掌令都鄙脩治井邑丘甸縣都之溝涂云丘甸者舉中言之者此據小司徒職云四井為邑四邑為丘四丘為甸四甸為縣四縣為都而言也知直令為溝涂者以下文云若有會同則以縣師之法作其同徒彼是令軍法明此惟令治溝涂而已云溝涂之人名井別邑異則民之家數存焉者謂甸方八里其中六十四井使出田稅外加一里三十六井使治溝涂不出稅云民之家數存者假令上一井地有九夫中央一夫助入公傍八夫各治一夫以自入則一井地有九夫家則有八四井為邑三十二家據一成而言則三十六井使治溝涂各有八井為邑三十二家據一成而言則三十六井使治溝涂一成之若有人名故云溝涂之人名井別邑異則民之家數存於中矣

灋作其同徒輦輦帥而以至治其政令以聽

於司馬有軍旅會同田役之戒縣師受法於司馬邦國都鄙稍甸郊里唯司馬所調以其法作其眾庶及馬

牛車輦會其車人之卒伍使皆備旗鼓兵器以帥而至是以書令之耳其所調若在家邑小都大都則稍人用縣師所受

司馬之法作之帥之以致於司馬也同徒司馬所調之同凡  
用役者不必一時皆徧以人數調之使勞逸遞焉○輦居錄  
反卒伍子忽反調徒弔反下同徧音釋○**疏**曰若有至司馬○釋  
遍遞徒禮反又音弟本又作適音釋○**疏**曰若有至司馬○釋  
有或無故云若為不定之辭也云會同者謂時見曰會殷見  
曰同云師田者謂出師征伐及田獵云行役者謂巡守及興  
役云則以縣師之法作其同徒者稍人屬縣師縣師屬大司  
馬大司馬得王進止縣師即受法於司馬也○注有軍至遞焉○釋曰  
又受法於縣師故云以聽於司馬也○注有軍至遞焉○釋曰  
致與大司馬故云以聽於司馬也○注有軍至遞焉○釋曰  
有軍旅會同田役之戒縣師受法於司馬也○注有軍至遞焉○釋曰  
里唯司馬所調者縣師注云郊里郊所居也謂六鄉之民布  
在國中至遠郊故有居在郊者也云以其法作其眾庶及  
馬牛車輦會其車人之卒伍使皆備旗鼓兵器以帥而至于  
並縣師職云其間云縣師及邦國都鄙稍甸郊里唯司馬所  
調以其法並鄭所加加之者欲見縣師受法於司馬稍人又  
受法於縣師之意也云是以書令之耳者此鄭君之言是以  
此稍人書而令作其同徒之事云其所調若在邑小都大  
都則稍人用縣師所受司馬之法作之帥之以致於司馬也  
者此鄭取縣師之文合於此經共文此稍人受法於縣師所

受司馬之法云同徒司馬所調之同者此即縣師受法於司  
馬者也云凡用役者不必一時已下此釋其同徒同其勞逸  
遞等也  
**大喪帥蜃車與其役以至掌其政令以聽**  
也

於司徒蜃車及役遂人共之稍人者野監是以帥而致之  
既夕禮曰既在柩實出遂匠納車于階間則天子  
以至於士柩疏大喪至司徒○釋曰此經釋天子之喪將  
路皆從遂來疏葬使稍人帥蜃車及役人使至之事云以  
聽於司徒者以其司徒地官卿掌徒庶之政令故稍人帥眾  
以聽於司徒也○注蜃車至遂來○釋曰鄭知蜃車及役遂  
人共之者案遂人職云大喪帥六遂之役而致之又云及葬  
帥而屬六綽又遂師職亦共丘籠及蜃車之役故知遂人共  
之也云稍人者野監是以帥而致之者此欲釋得在稍人之  
意以其監三等采地是野監故得并監六遂蜃車之事也云  
天子以至於士柩路皆從遂來者此經上舉天子既夕下舉  
士則其中有諸侯卿大夫之喪蜃車柩路皆從遂人而來可知  
**委人掌斂野之賦斂薪芻凡疏材木材凡畜**  
**聚之物**  
野謂遠郊以外也所斂野之賦謂野之園圃山澤  
之賦也凡疏材草木有實者也凡畜聚之物瓜瓠



葵芋禦冬之具也野之農賦旅師斂之工商嬪婦遂師以入  
玉府其效則遂師又以共野牲○斂力豔反畜勅六反注同  
芋于**疏**注野謂至野牲○釋曰委人所斂皆據六遂以外  
附反**疏**至王畿故鄭云野謂遠郊以外摠言之也云所斂  
野之賦謂野之園圃山澤之賦也者此則九職所出貢賦  
通言之九職之中有園圃毓草木又有虞衡作山澤之材故  
以園圃山澤言之也云凡疏材草木有實者者疏是草之  
實材是木之實故鄭並言之九職中有臣妾聚斂疏材鄭彼  
注云疏材百草根實不以木解材文略也彼臣妾聚斂雖無  
貢法要知此疏材亦是草木有根實者鄭不言根亦略言之  
也云凡畜聚之物瓜瓠葵芋禦冬之具也者七月詩有八月  
斷壺壺瓠也有甘可食者信南山詩疆場有瓜士喪禮籩豆差  
葵菹芋故知畜聚物中有瓜瓠葵芋之等但士喪禮籩豆差  
喪禮芋別也云野之農賦旅師斂之者即上旅師所云聚野  
之糶粟之等是也云工商嬪婦遂師以入玉府者案遂師云  
入野職野賦于玉府雖不言工商嬪婦但遂師既入野之賦  
貢明嬪婦工商之賦也知者以其玉府掌玩好之物其工商  
嬪婦所作堪為玩好故入玉府者工商嬪婦也云其牧則遂  
師又以共野牲者上遂師云凡國祭祀共其野牲是知九職

之中藪牧養鳥獸以稍聚待賓客以甸聚待羈旅  
者遂師共之也

聚凡畜聚之物也故善羈作奇杜子**疏**以稍至羈旅○釋

春云當為羈○聚俗裕反下文同

故以三百稍地之聚二百里甸之聚以待羈旅過客之等○

注聚凡至為羈○釋曰鄭知聚是凡畜聚者見上文凡畜聚

之物故知此聚**凡其聚以待頒賜**余當為餘聲之

亦是畜聚之物**疏**注余當至之物○釋曰知餘聚是縣都者以其委

之物**疏**人掌斂野物從二百里至王畿上已云甸稍明此

言餘聚是縣四百里都五百里中**以式灋共祭祀之**

畜聚之物如上稍甸畜聚之物也

薪蒸木材實容其其芻薪喪紀其其薪蒸木

材軍旅共其委積薪芻凡疏材其野委兵器

與其野圍財用

式法故事之多少也薪蒸給炊及燎

芻者委積之薪芻也軍旅又有疏材以助禾粟野委謂廬宿

止之薪芻也其兵器謂守衛陳兵之器也野圍之財用者苑

同禮記卷二十一



和邦國都鄙之政令刑禁與其施舍禮俗喪

紀祭祀皆以地嫩惡為輕重之灋而行之掌

其禁令也君子行禮不求變俗隨其土地厚薄為之制豐

省之節耳禮器曰禮也者合於天時設於地財順於

鬼神合於人心理於萬物。為于偽反省所景反

至禁令。釋曰土均主調即是和義故土均以和畿外邦國

畿內都鄙之政令及五刑五禁與其施舍不役之等並須調

和之使之得所也云禮俗喪紀祭祀皆以地嫩惡為輕重之

法而行之者自禮俗喪紀祭祀三事皆以地之美惡輕重者

地美則重行之地惡則輕行之以其禮許儉不非無故也云

掌其禁令者恐有借踰與下逼故禁令也。注施讀為弛故此云

釋曰云施讀亦為弛也者上遂人注已云施讀為弛故此云

亦云禮俗邦國都鄙民之所行先王舊禮也者此土均和邦

國都鄙俗者續也續代不易是知先王舊禮故引曲禮君子

行禮不求變俗以證之謂若周公封康叔於殷墟其民還行

殷之禮俗者也云隨其土地厚薄為之制豐省之節耳者以

厚薄解經嫩惡豐省解經為輕重之法也云禮器曰禮也者

合於天時者天有四時四時生者則將為禮是合於天時也

云設於地財者土地有財為禮是所設依於地之財也云順

於鬼神者鬼神享德不享味若不合天時不設地財而為禮

則鬼神不享若能合天時設地財則鬼神享之是順於鬼神

也云合於人心者若不合天時不設地財則不合人心若合

天時設地財則合人心也云理萬物者若順鬼神合人心則

萬物得其道理故可以理萬物也引之證行禮依地美惡之義

**草人掌土化之法以物地相其宜而為之種**

土化之法化之使美若汜勝之術也以物地占其形色為之

種黃白宜以種禾之屬。相息亮反種章勇反注除種禾以

外並同汜芳劔。疏。草人至之種。釋曰掌土化之法者即

反李又音凡。疏。下經所云糞種是化土使和美。注土

化至之屬。釋曰云化之使美者謂若駢剛用牛糞種化駢

剛之地使美也云若汜勝之術也者漢時農書有數家汜勝

馮用貍勃壤用狐埴墟用豕彊藥用蕢輕熨

用犬

凡所以糞種者皆謂煑取汁也赤緹線色也渴澤故

水處也渴鹵也貍猶也勃壤粉解者埴墟黏疏者強  
藥強堅者輕熨輕脆者故書駢為摯墳作釜杜子春摯讀為  
駢謂地色赤而土剛強也鄭司農云用牛以牛骨汁漬其種  
也謂之糞種墳壤多釜鼠也壤白色黃麻也玄謂墳壤潤解  
○糞粉運反本亦作糞緹音抵李宅奚反聶吐弟反墳符粉  
反糜音眉渴其列反渴音昔一音鵲貍呼九反又音九李一  
音喜元反埴時力反一音職墟音虛李一音閭強其兩反注  
同藥本又作埴呼覽反劉音檻黃扶云反一音蒲閭反熨孚  
照反李音婦堯反緹七絢反鹵音魯貍宅官反解胡買反下  
同釜符  
粉反  
云塗泥豫州云墳墟梁州云青黎雍州云黃壤九等與此駢  
剛之屬為九等不同者以禹貢自是九州大判各為一等此  
九等者無妨一州即有此九等之類故不同也○注凡所至  
潤解○釋曰云凡所以糞種者皆謂煑取汁也者雖無正文  
以意量之用牛羊之類不可以骨肉明煑取汁和種也云赤  
緹線色也者爾雅云一染謂之緹故以緹亦當之也云渴澤

故水處也者以水鍾曰澤今澤云渴明是故時停水今乃渴  
故云故水處也云渴鹵也者送水之處水以寫去其地為鹹  
鹵故云渴鹵也云貍猶也者案爾雅云貍子貍或曰貍故以  
貍猶為一也云勃壤粉解者壤是和緩故為粉解也云埴墟  
黏疏者以埴為黏以墟為疏故云黏疏也云彊藥彊堅者以  
藥為監故為彊堅云輕熨輕脆者熨脆聲相近故知熨即脆  
也先鄭云用牛以牛骨汁漬其種也者此與後鄭義合也云  
墳壤多釜鼠也壤白色後鄭皆不從者餘八等之地皆據地  
之形色唯此墳壤以釜鼠外物為名於義不可故還從墳為  
正謂潤解也又禹貢有黃壤則此壤不得專據白色解之故  
不從壤  
白色也

稻人掌稼下地

以水澤之地種穀也謂疏下地○釋

曰以下田種稻

以瀦畜水以防止水以溝蕩水以

遂均水以列舍水以澮寫水以涉揚其芟作

田鄭司農說豬防以春秋傳曰町原防規偃豬以列舍水

列者非一道以去水也以涉揚其芟以其水寫故得行

司農說卷十七

其田中舉其芟鉤也。杜子春讀蕩為和蕩，謂以溝行水也。玄謂偃豬者，畜流水之陂也。防豬，旁隄也。遂田，首受水小溝也。列田之畦，時也。澮田，尾去水大溝，作猶治也。開遂舍水於列中，因涉之，揚去前年所芟之草而治田種稻也。畜勑六反。注同蕩，如字。李吐黨反。列，祿計反。注同澮。古外反。寫，戚如字。劉彊，故反。芟，所銜反。町，徒頂反。去起呂反。下同。畦，劉音圭。又下圭反。時，音劣。疏，以豬至作田。釋曰：所為防豬之法，皆具鄭注音劣。十五年，楚為掩書土田法，以授子木之事。彼云：町原防規，偃豬是楚之惡地，有防豬之法，與此防偃同。故引為證也。先鄭云：以列舍水，列者非一道去水也。者以舍為舍去之舍，後鄭以為止舍之舍，以澮是寫去水以舍為止水於其中，故不從先鄭也。凡稼澤夏以水殄草而芟夷之。鄭司農說芟，夷以春秋傳曰：芟夷蕪崇之。今時謂禾下麥為芟，下麥言芟刈其禾於下種麥也。玄謂將以澤地為稼者，必於夏六月之時大雨時行，以水病絕草之後，生者至秋水涸芟之。疏注：明年乃稼。黃音夷。蕪，紆紛反。或憂羣反。涸，胡洛反。疏注：病至乃稼。釋曰：春秋傳者，隱六年五月鄭伯侵陳，大獲往歲鄭伯請成於陳，陳侯不許，五父諫云：周任有言曰：為國家

者見惡如農夫之務去草焉。芟夷蕪崇之。注云：芟刈蕪積崇聚也。絕其本根，勿使能殖引之者，證芟夷為刈殺之義也。玄謂必於夏六月之時大雨時行者，此月令文引之。證經夏澤以水殄草之義也。云至秋水涸芟之者，解經芟夷之義也。澤草所生種之芒種。鄭司農云：澤草之所生，其地可種芒種。疏注：澤草至芒種。釋曰：澤草所生種之芒種者，但水鍾同。疏注：澤草有水及鹹鹵皆不生草，即不得芒種。故云草所生。早暵共其雩斂。釋曰：早暵共其雩斂。釋曰：此早雩據夏五月已後脩反。注：疏。早暵共其雩斂。釋曰：此早雩據夏五月已後脩也。然二種雩皆供雩斂也。注：稻人至發斂。釋曰：鄭意餘官不言共雩斂於此，官特言共者，以稻是水穀，急須水故早時特使共雩。喪紀共其葦事。葦以闔壙禦濕。疏注：葦之物。釋曰：春秋左氏有井闔壙塞也。鄭知葦以闔壙所以約之為塞壙，言禦水之物則在棺下用之，或以抗席，即是禦土與禦水義。乖恐非也。

士訓掌道地圖以詔地事

道說也說地圖九州形勢山川所宜告王以施

其事也若云荆揚地宜稻幽并地宜麻。麻如字一本作麩。李及聶氏亡皮反劉沈皆作麩音紀倫反案注辨土所宜荆揚皆言穀幽并不應。疏注道說至宜麻。釋曰其九州地論獸紀倫之音恐非。疏圖乃是諸國所獻以入職方今土地訓乃於職方取九州地圖依而說向正使依而責其貢獻之物云若云荆揚地宜稻幽并地宜麻者案職方荆揚之州宜稻幽并之州並不言麻乃非民所要用故也。道地隱以辨見宜麻職方不言麻乃非民所要用故也。

地物而原其生以詔地求

地隱若障蠱然也辨其物者別其所有無原其生

生有時也以此二者告王之求也地所無及物未生則不求也鄭司農云地隱地所生惡物害人者若虺蝮之屬。隱他得反虺虛鬼。疏注地隱至之屬。釋曰云若障蠱然也者反虺字目反。疏謂土地所生惡物障障障氣出於地也蠱即蠱毒人所為也云別其所有無者若職方九州所有無也云原其生有時也者雖是當州所有而生有時也云以此二者告王之求也者謂辨地物原其生者告王求地所有也地所無及物未生則不求也先鄭云地隱所生惡物害

人者若虺蝮之屬者此與後鄭障蠱王巡守則夾王車

義不同引之在下亦得為一義也。疏注巡守至為守。釋曰夾王巡守行視所守也天子以四海為守。行下孟反。疏車者亦在國掌道地圖已下

誦訓掌道方志以詔觀事

說四方所識久遠之事以告王觀博古所識若

魯有大庭氏之。疏誦訓至觀事。釋曰云掌道方志者志庫殺之二陵。即今之識也謂道四方所識久遠之事。事以告王也云以詔觀事者謂告王觀博古之事也。注說四至二陵。釋曰左氏傳昭十八年宋衛陳鄭皆火梓慎登大庭氏之庫以望之注云大庭氏古亡國之君在黃帝前其處高顯殺之二陵。傳三十二年秦之蹇叔子見師襲鄭哭而送之曰晉人禦師必於殺殺有二陵焉其南陵有夏后臯之墓也其北陵文王之所避風雨也並所識久遠之事故引之以證方。掌道方隱以詔辟忌以知地俗。方隱四方志之義。掌道方隱以詔辟忌以知地俗。言語所惡也。不辟其忌則其方以為苟於言語也知地俗博事也。鄭司農云以詔辟忌不違其俗也。曲禮曰君子行禮不求變俗。

辟音避注同 疏 掌道至地俗。釋曰誦訓又掌說四方言

惡鳥路反 疏 語所惡之事以詔告令王避其忌惡所以

然者使王博知地俗言語之事故鄭云博事也。注方慝所以

變俗。釋曰引曲禮君子行禮不求變俗者上土均云禮俗

注亦引此文彼謂先王舊俗是禮事不變之此引不求變俗

謂不變其鄉俗所嫌惡皆是不求變俗各證一邊之義故不

也 王巡守則夾王車 疏 王巡至王車。釋曰此亦與

司 王巡守則夾王車 疏 土訓同各以所掌以告王也

山虞掌山林之政令物為之厲而為之守禁

物為之厲每物有蕃界也為之守禁為守者設禁令也守者

謂其地之民占伐林木者也鄭司農云厲遮列守之。為守

者于為反 疏 山虞掌至守禁。釋曰案下文林自有衡官

下為久同 疏 掌之今山虞兼云林者彼林是竹木生平地

者林衡掌之此山林并云者自是山內之林即山虞兼掌之

。注物為至守之。釋曰但山內林木金玉錫石禽獸所有

不同每物各有藩界設禁亦不同云守者謂其地之民占伐

林木者也者案下澤虞職云使其地之人守其財物以時入

之于玉府頽其餘于萬民彼是其地之民占取澤物者守之

明此山虞所守亦然。是以此文亦令萬民時斬材有期日

明是守山 仲冬斬陽木仲夏斬陰木 鄭司農云陽

林之人也 陰木秋冬生者若松柏之屬玄謂陽木生山南者陰木生

山北者冬斬陽夏斬陰堅濡調。濡戚如充反又音柔 疏

注鄭司至濡調。釋曰先鄭云陽木春夏生者陰木秋冬生

者若松柏之屬後鄭不從以為山南為陽木北為陰木者案

月令十一月日短至伐木取竹箭竹箭秋 凡服耜斬季

冬生不用仲夏斬之故知先鄭之義非也 凡服耜斬季

材以時入之 季猶耜也服與耜宜用釋材尚柔 疏 凡

至入之。釋曰服謂此服即車平較皆有鑿孔以幹子貫之

故謂之北服也報謂耜耜隨曲長六尺六寸車人所造者二

木皆須堅刃故斬季材少木為之云時入者 令萬民時

以其須堅故須依上文仲冬仲夏之時也 疏 令萬民時

斬材有期日 時入出有日數為久盡物 疏 日。釋曰

案禮記王制云草木零落然後入山林彼據萬民伐木之時

謂十月之中此云萬民時斬材亦謂十月時。注時至盡物

釋曰鄭云時斬材斬材之時也者正在十月也云有期日入

日數多少但無文也。凡邦工入山林而掄材不禁。

擇也。不禁者山林國之有不拘日也。掄，凡邦至不禁。

魯門反。又音倫。拘，音俱。本亦作尙。音同。疏：釋曰：上文云

仲冬，斬陽木。仲夏，斬陰木。彼據堅刃之極時，但國家須材不

要在仲冬仲夏，故此邦工入山林，不禁。又不言時節，須即取

足之故也。注：掄，猶至日也。釋曰：春秋之斬木，不入

此對萬民不得非時入入，又自日數。疏：注：非冬至木可。釋

林，不禁。此又云春秋之斬木，不入禁，與上違者，上文據國家

使工取擇木，故非冬亦得入山林。此據萬民取木，故十月

入山，春秋之斬木，不入禁，故鄭云：斬四野之木，可雖斬四野

木，至於三月不得伐桑柘，故月令：季春，云：無伐桑柘，彼注愛

蠶食也。凡竊木者有刑罰。疏：凡竊至刑罰。釋曰：釋

山之時而民盜山林。若祭山林則為主而脩除。且

之木與之以刑罰。疏：若祭至且蹕。釋曰：此山林在畿內王國

蹕，為主主辨護之也。脩除治道。疏：此山林在畿內王國

路場壇。壇，徒丹反，或音禪。疏：此山林在畿內王國

四方各依四時而祭，云則為主者謂主當祭事者也。而脩除

者謂掃除糞灑云。且蹕者，且復蹕止行人也。注：為主至場

壇。釋曰：云為主辨護之也。者案中候，握河紀堯受河圖

云：帝立壇磬折，西向禹進，迎舜契，陪位。稷辨護注云：辨護者

供時用相禮儀，則此云辨護者亦謂其時用相禮儀者也。云

脩除治道，路場壇者，案守祧職云：其廟則有司脩除之。鄭云

有司恆主脩除，謂掃除糞灑場謂。若大田獵則萊山

壇，即除地之處，壇神位之所也。疏：若大田獵則萊山

田之野及弊田，植虞旗于中，致禽而珥焉。疏：若大田獵則萊山

其草萊也。弊田，田者止也。植猶樹也。田上樹旗，令獲者皆致

其禽而獲其耳，以知獲數也。山虞有旗，以其主山得畫熊虎



三而居一偏耳云山虞有旗以其主山得畫熊虎其仞數則短也者案司常云師都建旗大夫建物此山虞是士不建物而建旗者以其主山山多能虎故得有旗禮緯旌旗之杠天子九仞諸侯七仞大夫五仞士三仞若軍吏是卿大夫則杠長五仞今山虞是士雖有熊虎為旗仞數則短宜三仞必取左耳者以其聽鄉任左故皆取左耳也

**林衡掌巡林麓之禁令而平其守** 其地之民守

林麓之部分○麓音疏 林衡至其守○釋曰此林衡兼麓鹿分扶問反下同 疏 者以爾雅山足曰麓雖連於山

虞不掌以麓上有林故屬林衡也○注平其至部分○釋曰經直言平其守明不平其稅而平均其守而已故云其地

之民守林麓之部分謂部 以時計其麓而賞罰之

伍有多少遠近之分也 疏 以時至罰之○

計林麓者計其守之功也林麓蕃茂民 疏 以時考校

不盜竊則有賞不則罰之○蓄扶袁反 疏 釋曰此時考校

而計林麓以行賞罰者林衡之官既平民之守護林麓而會

計民有功者賞之損麓之財者罰之故注云不則罰之也○

**若斬木材則受灋于山虞而掌其政令** 法萬

民入

出時日 疏 若斬至政令○釋曰上山虞官尊故設之是以

之期○釋曰案山虞云仲冬仲夏及春秋是 注法萬至

時之期號令萬民斬材有期日是日之期也

**川衡掌巡川澤之禁令而平其守以時舍其**

**守犯禁者執而誅罰之** 舍其守者時案視守 疏

者於其舍申戒之○ 疏 川衡至罰之○釋曰川注瀆者皆是也水鍾曰澤澤與川不

同官今川衡兼云澤者澤與川連者則川衡兼掌之謂若濟

水溢為滌澤滌澤則與濟連則管濟川者兼滌澤掌之如此

之類皆是○注舍其至戒之○釋曰此舍其守謂川衡之官

時復巡行所守之民當案視其所 祭祀賓客共川奠

守守人當於其舍申重戒勅之也 奠音 疏 注川奠至之屬

川奠籩豆之實魚鱸蜃蛤之屬○奠音 疏 注川奠至之屬

電下同鱸所留反蜃上忍反蛤古荅反 疏 釋曰鄭此注皆



處則為苑圍以棘木為藩羅使其地之凡田獵者受令

焉今謂時與處也若仲春仲夏仲秋仲冬是其時云處者謂

山澤也其受令者禁麇卵者與其毒矢射者為其

謂夏官主田獵者且害心多也麇麋鹿子疏注為其至多也釋曰此謂四

○麇音迷卯力管反時常禁案月令孟春云不麇不

卯又王制云國君春田不圍澤大夫不掩羣士不麇不卵者

彼以春時先乳特禁之其月令季春云餒獸之藥毋出九門

者彼亦崇其春時彼鄭注云凡諸咎及毒藥禁其出九門明

其常有時不得用耳云為其天物釋經禁麇卵者且害心多

射者也射者也若以時取之則

井人掌金玉錫石之地而為之厲禁以守之

錫釧也。井革猛反又號猛反劉侯猛反疏井人至守之

沈王猛反錫星歷反釧以忍反劉常忍反疏釋曰此金玉

物其地圖而授之物地占其形色知鹹淡也授之教取

疏若以至授之釋曰取此四者雖無四時之文當取之

日應亦有時故云以時取之注物地至之處釋曰

經云物故以占其形色言之云知鹹淡者鄭以當時

有人採者嘗知鹹淡即知有金玉故以時事言之也巡其

禁令行其禁明其令

角人掌以時徵齒角凡骨物於山澤之農以

當邦賦之政令山澤出齒角骨物大疏角人至政令

應徵角物兼言齒骨者以其齒骨並是角類以細小之事因

類兼掌之云以當邦賦者言農則皆有夫田出稅今以此農

近山澤山澤有此骨角及齒此三者國之所須故使以時入

採而稅之以當地稅民益國之事者自此已上皆不言以當

邦賦者皆文不具舉此一事餘可知並是省文之義也。注

山澤至麋鹿。釋曰鄭言齒角骨物者欲見不言川林直言

山澤以其不出川林故特言山澤也云大者犀象其小者麋

鹿者無正文鄭以意目驗而知之犀牛角而象有牙是其

鹿者無正文鄭以意目驗而知之犀牛角而象有牙是其

大者也月令十一月麋角解以度量受之以共財用  
五月鹿角解是其小者也  
骨入漆澆者受之以量其餘以度度所  
中。浣戶詭反度度上如字下待洛反

羽人掌以時徵羽翮之政于山澤之農以當

邦賦之政令翻羽木。翻戶革反。疏羽人至政令。釋曰此羽人所徵羽者當入於鍾氏

及旌旗之屬也。凡受羽十羽為審百羽為搏十

搏為縛審搏縛羽數東名也爾雅曰一羽謂之箒十羽謂

之矣。搏除轉反注同劉徒端反縛劉古本反沈除轉反箒  
之林反縛古木反劉音泮一音戶本反李又基速反近附近  
近疏也一羽有名蓋失之矣。釋曰鄭引爾雅說乃云名音相近  
羽則有名者只由一者十數之始十為百數之  
始是名相近既有十百故誤一羽遂有名也

掌葛掌以時徵絺綌之材于山農凡葛征徵

草貢之材于澤農以當邦賦之政令草貢出澤

可緝績者。黃苦。疏。掌葛至政令。釋曰所以徵絺綌於  
迥反緝七入反。疏。山農者以其葛出於山故也凡葛征  
者其徵絺綌之材即葛是也又云凡葛征者總結之也云徵  
草貢之材于澤農者以黃紵出於澤故也經直言草貢不言  
黃紵者設文以互換為義故以其紵。以權度受之。輕重  
給亦以葛草草貢亦是黃紵者也。釋曰上角人齒骨  
長短也故書受或為。疏。與角不須稱直言度量此經葛草  
授杜子春云當為受。疏。與角不須稱直言度量此經葛草  
等不須量故以權度受。疏。與角不須稱直言度量此經葛草  
之使知斤兩長短故也

掌染草掌以春秋斂染草之物染草茅蒐橐蘆豕

如字劉音妹蒐所留反茅蒐菑也橐音。疏。注染草至之屬  
託又音如茹音列劉問計反或音例。疏。釋曰案爾雅茹  
蘆茅蒐郭注云今之菑也。疏。釋曰案爾雅茹  
者爾雅云茹菑豕首郭注云本草曰菑盧一名蟾蜍蘭今江  
東呼豕首可以燭蠶蛹郭氏雖有此注不言可染何色則此  
橐蘆豕首未審鄭之所據也紫茹者爾雅云菑莖草郭注云

可以染紫一名芷炭廣雅云即此紫蒨也言之屬以權量

受之以待時而頒之權量以之屬兼之也夏之時夏之時夏夏為五色至秋染五色故鄭云染夏之時時謂秋時也

掌炭掌灰物炭物之徵令以時入之灰炭皆山澤之農所出也灰給澣練炭之所共多

掌茶掌以時聚茶以共喪事共喪事者以著物也既夕禮曰茵著用茶

野疏材之物以待邦事凡畜聚之物茶茅莠疏材之類也

疏注共喪至用茶。釋曰云共喪事者以著物也者即引謂淺黑色之布各一幅合縫著以茶樞未入曠之時先陳於棺下縮二於下橫三於上乃下棺於茵上是也

因使掌焉徵者徵於山澤入於委疏注茶茅至委人。釋人者以其委人掌斂野之賦凡疏材木材所斂者衆故知此掌茶所徵亦入委人也

掌屋掌斂互物屋物以共闈曠之屋互物蛙蛤

塞也將井樽先塞下以屋禦濕也鄭司農說以春秋傳曰始用屋炭言僭天子也。互戶故反蚌蒲項反御魚呂反本亦

樂疏故因類使兼掌之又云屋物者以其互物是屋之類闈曠之屋別。注互物至子也。釋曰云互物蚌蛤之屬者

案斂人云掌取互物先鄭云互物謂有甲諸胡龜鼈之屬此

後鄭互物為蚌蛤者彼下文別有廬廡即蛤從先鄭為龜

鼈至此別為蚌蛤亦是未葬前井柳材乃往施之曠中則未施

之則往施之曠中是未葬前井柳材乃往施之曠中則未施

柳前已施屋灰於樽下以擬禦濕也引春秋者是成公二年

宋文公卒始厚葬用屋炭雖二王之後不得純如天子亦用

屋故被譏引之者。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也

證天子之宜也。祭祀其屋器之屋飾祭器之屬也



之屬。釋曰張晏云有核曰果無核曰蒚。臣瓚以為在地曰蒚。在樹曰果。則不辨有核無核。則鄭不指定言不知義從何者。案閭師云任圃以樹事貢草木。此場人又掌之者。此據祭祀喪紀賓客者。場人徵斂藏之其餘。則閭師徵斂之也。凡祭祀賓客共其果。蒚享亦如之。享納牲。○享許音向。後疏注。享納牲。○釋曰享納牲。謂祭祀宗廟。二灌後放此。○疏君迎牲納之於庭。時后夫人薦朝事之豆。籩豆籩中有果蒚之物。故云享亦如之。若然。上言祭祀餘祭也。

廩人掌九穀之數以待國之匪頒。賜稍食。匪頒。為分頒。謂委人之職。諸委積也。賜。謂王所賜予。給好用之式也。稍。食。祿。廩。○匪頒。上音分。亦如字。下音班。食音嗣。注同。好。疏。廩人至稍食。○釋曰廩人掌米倉。人掌穀。今呼報反。○疏。廩人云九穀者。以廩人雖專主米。亦兼主穀。故以九穀言之也。○注匪頒。至祿廩。○釋曰破匪為分者。米穀非是匪所盛之物。又以為廬宿市在道。分頒義合。故不為匪也。云分頒。謂委人之職。諸委積也。者。委人委積之文具於彼。云賜。謂王所賜予。給好用之式也。者。此即九式之中。九

曰好用之式是也。故彼注好用燕好。所賜予也。云稍食。祿。粟者。此即司土以功詔祿。又王制云。下土視上農。夫九人。祿中土倍下土之類是也。源。缺。法。有。數。名。春。秋。桓。十。四。年。八。月。御。廩。災。天。子。亦。有。御。廩。單。云。廩。則。平。常。藏。米。之。廩。此。不。言。御。廩。則。廩。中。可。以。兼。之。矣。明。堂。位。魯。有。米。廩。有。虞。氏。之。學。以。有。虞。氏。尚。孝。合。藏。黍。盛。之。委。故。名。學。為。米。廩。非。廩。稱。也。詩。云。亦。有。高。廩。又。云。萬。億。及。秬。注。云。廩。所。以。藏。黍。盛。之。穗。以。其。萬。億。以。及。秬。數。多。非。藏。米。之。數。故。以。藏。穗。言。之。與。常。廩。御。廩。又。異。以。歲。之。上。下。數。邦。用。以。知。足。否。以。詔。穀。用。以。治。年。之。凶。豐。數。猶。計。也。上。下。時。掌。反。疏。以。歲。至。凶。豐。司。稼。職。同。數。色。主。反。注。同。疏。釋。曰。上。下。即。豐。凶。廩。人。之。官。以。歲。之。豐。凶。得。稅。物。多。少。之。帳。計。國。之。用。以。知。足。否。若。歲。凶。稅。物。少。而。用。多。則。不。足。廩。人。既。知。多。少。足。否。乃。詔。告。在。上。用。穀。之。法。以。治。年。之。凶。豐。此。則。王。制。云。制。國。用。必。於。歲。之。杪。者。是。也。凡。萬。民。之。食。食。者。人。四。鬴。上。也。人。三。鬴。中。也。人。二。鬴。下。也。此。皆。謂。一。月。食。米。疏。凡。萬。至。下。也。釋。曰。此。謂。給。萬。民。糧。也。六。斗。四。升。曰。鬴。食。之。法。故。云。凡。萬。民。之。食。食。者。謂。民。

食國家糧食者人四鬴上也。上謂大豐年也。人食三鬴中也。謂中豐年人食二鬴下也。謂少儉年此雖列三等之年以中。年是其常法。鬴當今六斗四升。即今給請亦然。注此皆至。曰鬴。釋曰：知此皆謂一月食米者計中歲須祿人食三鬴。不得為數月古今皆月月給。請故知此皆一。若食不能。月食米也。六斗四升曰鬴。昭公傳晏子辭。

人一鬴則令邦移民就穀。詔王殺邦用。就穀就。人一一鬴則令邦移民就穀。詔王殺邦用。就穀就。

有者殺猶滅也。疏云：若食至邦用。釋曰：此即穀梁傳所。殺所界反。注同。疏云：五穀不熟謂之大侵。謂大凶年之。時用如此法也。注就穀至有者。釋曰：知就都鄙之有者。此據天子畿內六鄉六遂及公邑純屬天子與三等采地不。同若民有不能人二鬴之歲移民就穀。當先嚮都鄙三等采。地之中都鄙亦凶乃出嚮畿外也。故知就都鄙之有者也。凡邦有會同師役之事則治其糧與其食。道。日糧謂糒也。止居曰。疏云：凡邦至其食。釋曰：此會同師役。食謂米也。糒音備。疏云：皆有軍人給糧食故須治之使均。給之也。注行道至米也。釋曰：案書傳云行而無資謂之。乏居而無食謂之困。是止居曰食謂此廩人米也。詩云：乃裹。

糒糧是行道曰糧。謂糒也者。即大祭祀則共其接盛。尚書費誓云：時乃糒糧。即糒也。大祭祀則共其接盛。

接讀為一。扱再祭之扱扱。以受春人春之大祭祀之穀藉田。之收藏於神倉者。也不以給小用。接依注音扱扱初洽反。劉初輒反。又差及。疏云：注接讀至小用。釋曰：此即廩人兼。反李聶制陟反。疏云：掌御廩所藏藉田之收。以供祭祀之。用者也。鄭必讀接為一。扱再祭之扱者。此麤米與春人春之。當頒扱與春人無取於接義。故讀如特牲。少牢云：藏於神倉。者也。者據月令而言。知不給小用者。祭義云：天子藉田千畝。諸侯藉田百畝。以事天地社稷。先公敬之至也。是不給小用也。

舍人掌平宮中之政。分其財守以廩。掌其出。入。政謂用穀之政也。分其財守者。計其用穀之數分送官。入。正內宰使守而頒之也。而行出於廩人。其有空缺則計。之還。疏云：舍人至出入。釋曰：舍人摠主給米之事。而掌平。入。疏云：王宮中之政。謂平其給米多少。不得特多特少也。

云分其財守者財即米也。故喪大記云：納財朝一溢米亦謂。米為財。謂分米與官。正內宰守禁之所使頒與所使守之人。云以法掌其出入者。出謂米出於廩人。以出給入謂其有空。缺則還入廩人。皆當以法不可虛也。注政謂至還入。釋。



曰必送米與宮正內宰者此二官凡祭祀共簠簋實

皆有宿衛之人須米料之數故也凡祭祀共簠簋實

之陳之方曰簠曰簋曰簠盛黍稷稻粱器

凡則天地宗廟大次小祭皆有黍稷於簠簋實之陳之故云

凡以廣之也注方曰至梁器釋曰云方曰簠圓曰簋皆

據外而言案孝經云陳其簠簋注云內圓外方受斗二升者

直據簠而言若簋則內方外圓知皆受斗二升者施人云為

簠實一穀豆實三而成穀豆四升三豆則斗二升可知但外

神用瓦簠宗廟當用木故易損卦云二簠可用享損卦以離

巽為之離為日日圓巽為木木器圓簠象是用木明矣云盛

黍稷稻粱器者案公食大夫簠盛稻粱簋盛黍稷故鄭摠云

黍稷稻粱器也賓客亦如之其禮車米管米芻禾

養餼之禮管芻賓客至芻禾釋曰云亦如之者亦有

姜呂反又音呂疏簠簋實之陳之事故亦如祭祀也言實

之陳之則據養餼及饗食之時也云其禮車米管米芻禾

者鄭云禮致養餼之禮案聘禮曰致饗使卿韋弁歸養餼米

百管設于中庭車米三十車陳於門外禾三十車芻薪倍禾

又案掌客上公米百有二十管車米四十車禾五十車芻薪

倍禾侯伯米百管車米三十車禾四十車芻薪倍禾子男米

八十管車米二十車禾三十車芻薪倍禾皆言陳是其養餼

車米管米芻禾喪紀其飯米熬穀飯所以實口不忍

所陳多少之事喪紀其飯米熬穀飯所以實口不忍

用稷士用梁皆四升實者唯盈熬穀者錯于棺旁所以感蚍

蜚也喪大記曰熬君四種八筐大夫三種六筐士二種四筐

加魚腊焉飯扶晚反注同熬五羔反錯疏注飯所至腊

七故反蚍鼻夷反蜚音孚種章勇反下同疏焉釋曰云

熬穀以惑蚍蜉又有魚腊香蚍蜉欲向棺值此惑之故云所以惑蚍蜉也引喪大記者見尊卑用筐穀多少不同之意云熬若四種八筐大夫三種六筐士二種四筐加魚腊焉鄭彼注引士喪禮曰熬黍稷各二筐又曰設熬旁一筐大夫三種加以梁君四種加以稻四筐則首足皆一其餘設於左右若然天子當加麥苽六種十筐首足亦各一筐其餘亦設於左右也

**以歲時縣種稑之種以其王后之春獻種**

縣之者欲其風氣燥達也鄭司農云春王當耕于藉則后獻其種也后獻其種見內宰職。縣音玄注下同種稑直龍反下音六司稼職。疏以歲至獻種。釋曰內宰注云先種後同見賢通反。疏熟謂之種後種先熟謂之稑彼內宰上春后獻種示不敗壞且助王耕事此云歲時縣者從納禾治得子即縣之以至春獻之是以先鄭云春王當耕于藉則后獻其種也。掌米粟之出入辨其物。九穀六米。疏掌米至種也。釋曰大宰九職有九穀月令有五穀今正言粟者粟即粢也爾雅釋草黍稷也稷為五穀之長故特舉以配米也其實九穀皆有。注九穀至為書。釋曰九穀之名已見大宰注今云六米者九穀之中黍稷稻粱苽大豆六者皆有米麻與小

豆小麥三者無米故云九穀六米別為書釋經辨其物也。歲終則會計其政。政用穀之

多

倉人掌粟入之藏。九穀盡藏焉。疏注九穀至為主種不入鄭注引舊記首種謂稷即種粟是五。辨九穀之

物以待邦用若穀不足則止餘瀆用有餘則

藏之以待凶而頒之。止猶殺也殺餘法用謂道路。疏注止猶至之屬。釋曰知殺餘法用是道路之委積者案上

遺人注委積者廩人倉人計九穀之數足國以其餘共之所謂餘法用也則彼委積是法用以此餘者為之是豐優賓客者今倉人穀不足故止彼餘法用故鄭據遺人而言焉鄭云之屬者彼遺人注云職內邦之移用亦。凡國之大事共

道路之穀積食飲之具。大事謂喪。疏注大事謂喪

左氏成公傳國之大事在祀與戎不言喪事今此喪戎不言祀者此經云共道路惟軍戎及喪在外行於道路故據而言焉祭祀遠無過在近郊之內無在道共糧之事故不言祭祀也

司祿 闕

司稼掌巡邦野之稼而辨種稂之種周知其

名與其所宜地以爲灋而縣于邑閭周猶備也 備知種所

宜之地縣以示民後年種穀用爲法也疏司稼至邑閭

種章勇反注知種同偏音遍下同疏釋曰云巡邦野

之稼者謂秋熟之時觀之矣若然春稼秋穡不巡野觀稼

云穡而云稼者穡由稼而有故本之言稼也巡野觀稼

以年之上下出斂灋斂法者豐年從正凶荒則損若

驗反疏巡野至斂法釋曰此觀稼亦謂秋熟時觀稼善

注同疏惡則知年上下豐凶以此豐凶而出稅斂之法

注斂法至減半釋曰鄭云豐年從正者年雖豐與中平一

皆從正法十一而稅之也云凶荒則損者凶荒謂年穀不熟

則減於十一而稅之云若今十傷二三實除減半者鄭舉漢

法以況義十傷二三者謂漢時十分之內傷二分三分餘有

七分八分在實除減半者謂就七分八分中爲實在

仍減去半不稅於半內稅之以凶荒所優饒民可也掌均

萬民之食而調其急而平其興均謂度其

其艱厄與疏釋曰詩云餅之罄矣維馨之恥詩刺王不能

所徵賦疏富分貧以是司稼既知民之禾稼多少則使

之均萬民之食減取多者以賜給其急困者云平其興者

與謂徵賦當各計十一而稅不得特多特少是平其興也

春人掌其米物米物言疏釋曰案上文倉人廩人言

鄭言米物言祭祀共其齋盛之米齋盛謂黍稷稻粱之

非一米是也疏釋曰器實曰齋則黍稷稻粱是也在器曰盛則簋簠是

盛以爲簋賓客共其牢禮之米謂可以疏釋曰下

知惟謂僅管者也若然車米出於民稅故禹貢云五百里納米是也凡饗其其食米饗有則饗禮兼疏釋曰燕禮無食米食禮無飲酒若饗禮有飲燕與食疏酒有食米故云饗禮兼燕與食也者若然經云其食米則饗掌凡米事禮俱供食米也

**饌人掌凡祭祀共盛**炊而共之**疏**釋曰鄭知炊而共之

於器今云共盛明炊而共之共王及后之六食六食

飯疏釋曰案醫師云和王六食六食即飯也膳凡賓客

共其簠簋之實謂致**疏**釋曰鄭知是致飧饗者下云

也饗食亦如之

**豪人掌其外内朝宥食者之食**外朝司寇斷獄弊

府中有百官朝會之殿云天子與丞相舊決大事焉是外朝之存者與内朝路門外之朝也宥食者謂留治文書若今尚

書之屬諸直上者**疏**釋曰天子三朝路寢庭朝是圖宗人嘉事之

掌之又有外朝在臯門内庫門外三槐九棘之朝是斷獄弊

訟之朝朝士掌之今言外内朝明據三槐與路門外二者以

其路寢庭非常朝之處也鄭引今司徒府已下說義也云宥

食者謂留治文書若今尚書之屬諸直上者亦引漢法說

之謂以次當直留在朝宿不還須以食供之宥食者宥散也

外内朝上直諸吏謂之宥吏亦曰散吏以上直不歸家食豪

人供之因**若饗食者老孤子士庶子共其食**士庶子

名宥食者**疏**釋曰者老謂死王事者之父孤子謂死王

士之子弟宿**疏**事者之子國家春饗孤子秋食耆老及士

衛王宮者**疏**事者之子國家春饗孤子秋食耆老及士

庶子謂若宮正宮士謂適子庶子其支庶宿**掌豢祭祀**

之犬養犬豕曰豢不於饌人言其共**疏**釋曰養犬曰豢

豕亦曰豢豕見禮記樂記云豢豕作酒非以爲禍是豢豕曰

豢也云不於饌人言其共至尊雖其潘瀾羹餘不可褻也者

以其饌人所炊米爲祭祀及共王與后並是至尊故雖米之潘瀾羹餘亦不得褻之與犬故於此言之也

附釋音周禮注疏卷第十六

卷第十六

而精嘉萬中  
申中選精藏中

知南昌府張敦仁署鄱陽縣候補知州周樹同棠

周禮注疏卷十六按勘記

阮元撰盧宣旬摘錄

附釋音周禮注疏卷第十六

旅師

云夫稅者百晦之稅

而讀為若

以質劑致民案入稅者名

遷擬凶年振恤所輸入之人

正字賑俗字

自諸侯來徙家

稍人

旬讀與惟為敵之之敵同

宋本嘉靖本同閩監毛本惟改維案賈疏引注亦作惟

帥之以致於司馬也

宋本致誤至

同徒司馬所調之同

賈疏余本嘉靖本同閩監毛本同徒誤司徒此本調誤謂閩本先調謂後

剡改作調今訂正

共文此稍人受法於縣師

惠按本作共釋

委人

委人職當提行此本誤連上稍人職閩監毛本承之。今訂正

故鄭並言之

惠按本閩本同監毛本並改并非

苑囿藩籬之材

賈疏余本嘉靖本同閩監毛本羅作籬宋本作苑囿藩籬之材案釋文作藩籬云本亦作羅。按依疏則圍是圍非

云野囿之財用者

閩監毛本財改材

上經稍聚待賓客據二百里

案二當作三

土均

閩監毛本誤連上委人職不提行

施讀為弛也

岳本閩本同宋本余本嘉靖本監毛本施讀下有亦字當據補賈疏有中釋亦字之文

理於萬物

賈疏岳本嘉靖本皆無於有者衍文案禮器本無於字

皆以地之美惡輕重者

閩監毛本美改嫩非下並同

草人

凡糞種

唐石經諸本同

勃壤用狐

唐石經諸本同閩監毛本勃作勃訛

疆藥用蕢

唐石經宋本余本嘉靖本同閩監毛本疆作疆注及疏同案釋文羣經音辨皆誤作疆從土宋本載音義作疆不誤釋文藥本又作墜

輕爨用犬

唐石經諸本同釋文爨作與。按釋文是也與篆體合。

強藥強堅者

宋本同嘉靖本作疆藥強堅者。

墳壤多蚤鼠也

諸本同漢讀考作蚤壤云司農依故書作蚤如其字解之故云多蚤鼠今各本云墳壤誤鄭君則依今書作墳。

元謂墳壤潤解

宋本潤作閏。

故以縑赤當之也

浦鏗云赤當色字誤。

以藥為監

段玉裁云監當作緊。

則此壤不得專據白色解之故不從壤白色也

惠校本上白色。

作色白監本下白誤曰。

稻人

以瀦畜水

余本閩監毛本同唐石經宋本嘉靖本瀦作豬此本注及瀦皆作豬。

以涉揚其芟作田

唐石經宋本余本嘉靖本同閩監毛本揚改楊誤注中同。

夏以水殄草而芟夷之

宋本同唐石經余本嘉靖本閩監毛本夷作蕘釋文作蕘音夷宋本注無案秋官蕘氏經注皆作夷漢制考引此經芟夷注為夷皆與宋本同。

芟夷蕘崇之

宋本余本嘉靖本監毛本同岳本閩本蕘作蕘非案釋文亦作蕘。按蕘者蕘之俗字。

今時謂禾下麥為

麥下麥。宋本嘉靖本凡麥字皆作麥下从夕今人作麥从夕始於前明不可不正。

土訓

若云荆揚地宜稻

余本嘉靖本同閩監毛本揚改揚。

幽并地宜麻

釋文麻如字一本作麋李及聶氏亡皮反劉沈皆作麋音紀倫反恐非漢讀考云以李聶

同聲流卷十七校勘記

反語訂之當云一本作糜或省作糜是以誤糜及糜也

地隱若障盞然也余本岳本嘉靖本同宋本閩監毛本障

誦訓閩監毛本誤連上文不提行

謂告王觀博古之事也監毛本古誤占當從閩本作博古。今訂作古

並所識久遠之事閩本同監毛本並改并

不辟其忌余本岳本嘉靖本同閩監毛本辟作避非釋文音經辟忌云音避注同可證注本作辟也

山虞

謂其地之民宋本謂誤為

厲遮列守之禮說云厲古列字厲禁玉藻所謂山澤列而不賦也列山氏一作厲山氏詩垂帶如厲左

傳盤厲游纓康成皆訓厲為裂漢郊祀歌泄萬里晉灼曰泄古列字讀為厲。按說文作迺迺者遮也列厲皆假借

字

堅濡調釋文堅濡戚如袞反又音柔案據戚袞音如充反則濡本作更考工記需字如充反陸氏皆本戚音又音柔則仍濡字之音

凡服耜監毛本耜誤耜注及疏同

季猶穉也宋本岳本穉作穉下同

尚柔忍也岳本嘉靖本忍作刃案疏中堅刃字作刃釋文柔忍音刃

皆有鑿孔以軫子貫之浦鑑云軫說軫從集注按。按軫字不誤或妄改作軫知其疏於車制矣軫車關也

田止樹旗此本止作上閩監毛本同誤也據宋本余本嘉靖本訂正

林衡



掌巡林麓之禁令

唐石經諸本同釋文麓作禁案序官釋文云麓本亦作禁

民不盜竊

嘉靖本同宋本閩監毛本作竊盜

川衡

申重戒勅之也

惠按本同閩監毛本勅改飭

蜃廬是蛤

閩監毛本蜃改蜃失其舊

澤虞

其具亦出澤水

監毛本同誤也當從閩本作其貝

芹蒟菱芡之屬

余本嘉靖本同釋文亦作菱閩監毛本作蒟非

故得注析羽

監毛本注作註疏中同

迹人

故知掌邦田之地政 惠按本知作云

以林木為藩羅 惠按本林作材此誤

且害心多也

宋本同嘉靖本閩監毛本心作必蓋心字誤按心字是此聖人教天下以仁心也疏內

正作心

小人

余本同釋文唐石經諸本作廿人

角人

以當地稅民益國之事者 此句當有脫誤

以共財用

監本財誤則

骨入漆浣者

釋文亦作漆浣段玉裁云浣乃堯之說以泰和灰丸而暴也

羽人

一羽有名 宋本岳本嘉靖本羽下有則字此脫疏同

掌葛

使知斤兩長短故也 惠按本作便知

掌染草 唐石經葉鈔釋文染作染

茅蒐橐蘆豕首紫荊之屬 余本嘉靖本同閩監毛本橐作橐非嘉靖本首誤目

更有藍早象斗之等 此本誤早閩監毛本改早是也今依訂正

掌茶 釋文唐石經諸本同宋本茶作茶非注並同

掌蜃

以蜃禦濕也 釋文作御濕云本亦作禦。按漢人多用御為禦

云互物蚌蛤之屬者 愚按本蚌作蚌下同毛本下作蚌

此後鄭互物為蚌蛤者 閩本同監毛本蚌作蚌

是成公二年 儀禮通解所載同閩監毛本二年作之時非

飾祭器之屬也 宋本飾誤針

釋曰言白成 閩監毛本成改盛

罔人

掌罔游之獸祭 唐石經諸本同岳本游改遊注同

注罔遊至之獸 閩監毛本遊作游此本下並作游

場人

蒲桃枇杷之屬 宋本岳本嘉靖本同余本閩監毛本桃改

廩人

稍食祿廩

嘉靖本廩作稟當據正此本疏中引注亦作祿

倍下士之類是也口口法有數名

補是也下此本空缺二字毛本補廩字

必於歲之抄者是也

浦鐘云抄誤抄

大祭祀則共其接盛

釋文則接依注音接案陸本則共其二字為衍

接讀為一扱再祭之扱

余本嘉靖本一作壹非鄭於注中皆不用古字釋文作一扱可證

當頒扱與春人

惠按本頒作須此誤

舍人

此本誤連上職不提行。今訂正

士用梁

岳本梁作稻非監本梁誤梁

貝三實于筭

闕監毛本貝誤具下同

倉人

鄭注引舊記

案記當說之誤

計九穀之數是國

惠按本下有有用此脫

司祿

闕 困學紀聞云孟子諸侯惡其害己也而皆去其籍趙氏注今周禮司祿之官無其職是諸侯皆去之故不復存

司稼

凶荒則損

諸本同浦鐘云大司徒職疏兩引皆作儉有所殺

以凶荒所優饒民可也

此本及闕本缺一頁今據監毛本互校漢制考可作法

掌均萬民之食

監毛本誤提行。今訂正

賜稟其艱阨

嘉靖本同宋本岳本稟作廩非

春人

齋盛謂黍稷稻粱之屬

釋文音經其齋音資注同本亦作桑案經作齋注作桑此當作桑盛

饌人

嘉靖本作饌人伯注亦作饌人

與序官合余本春人音義引此同小宗

謂致殮饗

余本岳本嘉靖本同監毛本殮訛殯今訂正釋文致殮音孫

橐人

監毛本同釋文唐石經宋本余本作橐人漢制考因學紀聞所引同岳本改作橐人非嘉靖本作橐人與序官

唐石經合是也禮說云司農讀橐為橐蓋本書序橐飲篇服虔曰以師枯槁故饋之飲食潤澤謂之槁猶存謂之徂治謂之亂故謂之今古語皆然也小行人國有師役則令槁禮之  
大戴禮朝事儀亦作槁古文也兩傳皆作槁似後人所改而古無之故說文不載。今訂作橐

不還須以食供之

漢制考還作復

不於饌人言其

宋本余本監毛本同誤也岳本嘉靖本其作者當據以訂正

雖其潘滿羹餘不可褻也

釋文潘本或作蕃羹本亦作殘嘉靖本褻作褻

終



